



類苑叢寶

1493
22-24

AS 112-111



門 加 3
號 1493
卷 22-21

類苑叢寶卷之四十三

鳥獸門

樂府書齋

麒麟

大戴禮毛蟲三百六十而麒麟為之長 說文牝曰麒

牡曰麟 牡鳴曰遊 聖牝鳴曰歸 和春鳴曰扶 幼秋鳴曰

養 綏 春秋感精符王者不割胎不破卵則麒麟出于郊 孫

卿子曰王者好生惡殺則麟遊于野 瑞應圖一角獸者六合

同歸則至 麟一角明海內共一主也 詩既麟虜身馬足牛

尾黃色圓蹄一角端有肉音中鍾呂王者至仁則出 廣雅麟

者行步中規折還中矩游必擇土審而後處不履生蟲不折生

草不羣居不旅竹不犯陷穿不罹累凶文章彬彬 蔡邕月令

章句麟生于火游于土故修其母而致其子五行之粹精也
坂雅角端有肉示有武而不用也

吐書

孔子生之先有麟吐書于闕里人家云水精之子

系表周而素王母徵在以繡紱繫其角及夫子將終抱麟解紱

而泣西狩獲麟哀公十四年西狩于大野叔孫氏之車子鉏

商獲麟折其左足孔子觀之曰孰為來哉反袂拭面泣涕沾襟

子貢問曰何泣子曰麟為明王非其時見害是以傷之 麟者

仁獸王者之嘉瑞也時無明王出而遇獲仲尼傷周道之不興

感嘉瑞之無應故修春秋為中興之教絕筆於獲麟故曰感麟

而作春秋也漢書禮書武帝幸雍祠五時獲白麟一角五蹄

又得木枝旁出輒復會上異之終軍對曰野獸并角明同根也

衆枝內附示無外也殆將有解編髮削左社襲冠帶更衣裳而

衆化者 宣帝時九真國貢麟 宣帝時麟五十一見 安帝

三年穎川麟見 鳳凰鳥之聖者也麒麟獸之聖者也鉏商一

獲而周室衰孝武一獲而漢祚微宣帝何人而郡國上麟者五

十一安帝心先亦且三見孝獻延康之元一年之間至十獻于

郡國石季龍開森林郡國上送蒼麟二八孟蜀之邦乃至多于

犬豕不知果何物耶

騶虞

騶虞義獸也白虎黑文不食生物王者有至信之德
則應之不踐生草食自死之肉埤雅山海經騶虞五

彩畢具尾長于身乘之日行千里 授神契德至鳥獸白虎見
瑞應圖白虎者仁而不害王者不暴虐恩及行葦則見 括地
象令警野中有玉虎神鳴雷聲聖人感期而興 文王囚姜里
散宜生閔天之徒詣於氏國求得騶虞獻之紂大悅乃釋之
漢宣帝時南郡獲白虎 魏文帝欲受禪郡國上言白虎二十
七見 晉太康六年荊州送丙足虎尚書郎索靖議稱此虎特
令王鈐為文曰掖掖白虎觀學荆楚孫吳不逞金皇赫怒 宋
元嘉時白虎見蜀郡二赤虎道前又見南琅邪二虎隨從

獅

格物論獅子一名狻猊一名狻狻一名白澤一名馮形如
虎正黃色銅頭鐵額鉤爪鋸牙目光如電聲吼如雷食虎

豹 西域傳烏弋國有獅子似虎正黃尾端毛大如斗 瑞應
圖黃帝巡于東海白澤出能言語 穆天子巡行天下乘狻猊
日走五百里 漢章帝時月氏國獻獅子形似麟無角 安息
國獻獅子其形似虎正黃色有鬚形尾端有茸毛大如斗 順
帝時疏勒國獻鬘牛獅子 唐開元末西域獻獅子至安西道
中繫于驛樹近井哮吼若不自安俄頃風雨大至有龍自井中
出飛去 元魏時波斯國獻獅子命進二虎一豹見獅子必瞑
目不敢仰視園中素有一白熊虞人率至聞獅子氣驚怖跳踉
曳鎖而走 舊說獅子虎見之而伏豹見之而踴熊見之而躍

製獅噴敵

宋宗慤討林邑入象浦林邑王范陽邁傾國來迎

以其裝被象前後無際翬以為外國有獅子能伏百獸乃今製其形與象相禦象果驚奔敵因潰亂遂克林邑 **鷓鴣人不鳴** 魏武伐冒頓誑白狼山逢獅工使人格之畏勢不敢近忽有一獸從林中出狀如狸跳上帝車軼獅子至即跳上獅子頭獅子伏不敢起遂殺之得獅子還自此四十里外鷓鴣犬皆無鳴吠者 **搏象** 釋僧言嘗從天竺欲向大秦忽聞數十里外哮吼之聲驚天怖地頃之見百獸奔走踴地至絕既而四巨象虜焉而至以息卷泥數數噴鼻偶立俄有獅子三頭崩石折木直搏四象以殪血若溢泉巨樹草偃 **畫獅愈病** 顧光寶能畫建康陸侃患瘡經年光寶詣之遂命筆以墨圖一獅子謂侃曰此出手便

靈異可于戶外滿之處誠祈禱慨如其言是夕中夜戶外有窸窣之聲良久乃不聞明日所畫獅子口中臆前有血淋漓及于戶外皆有點焉病遂愈 梁昭明太子偶患風恙吳興太守張僧繇摸此二獅子密懸寢堂之內應夕而愈

犀 爾雅犀似豕形似牛猪頭大腹庫脚脚有三蹄黑色 山經禱過之山多犀犀形似水牛三角一在頭上一在額上一在鼻上亦有一角者 交州記犀有二角鼻上角長額上角短或曰三角者水犀也二角者山犀也 抱朴子通天犀有百理如綿者以盛米置群鷄中鷄欲往啄米至輒驚却故南人名為駭鷄也得其角一尺以上刻為魚而銜以入水水常為開方

三尺可得息氣水中以其角為乂導者得煮毒藥為湯以此乂
導攪之皆生白沫無復毒勢 洞冥記武帝時吠勒國貢文犀
四頭狀如水犀角表有光因名明犀置暗中有光影亦曰影犀
本草通天犀胎時見天上物過並形于角故曰通天抱朴子曰
赤理如絛自本徹末故曰通天 夷堅志凡犀角遇山川日月
草木鳥獸隨寓成形唯宋魏公犀帶中央一片乃鹿啣花孝宗
犀帶一片乃是南極老人星像 異物志犀舌有棘常食草木
荊刺不啖莖葉 埤雅犀亦絕愛其角墮角即自埋之 異物
志海中水犀樂聞絲竹人動樂則出常為所獲 西南夷志有
異犀三角夜行如大炬火照數千步或時解脫則藏于深密之

處不欲令人見之王者貴其異以為簪能消凶逆 杜陽編大
中初女蠻貢雙龍犀有二龍鱗鬣爪牙悉備 廣志犀角之好
者稱雞昧白 唐書隋羅國多羨犀世謂墮和羅犀犀中最大
者一株重七八斤

辟寒犀 開元元年冬至交趾國進犀角一株色如金使者謂
以金盤置殿中溫然煖氣襲人上問其故使者對曰此辟寒
犀也 **辟暑犀** 文宗延學士于內庭李訓講周易時方盛夏上
命取水玉腰帶及辟暑犀以賜之 **辟塵犀** 石駙馬保吉知陳
州其州廨一皆新之海毀舊屋則坐于下風塵自分去人皆驚
怪蓋其所帶乃辟塵犀也 **縹緗犀** 唐同昌公主有犀角一株

八土不朽帶之令人蠲去忿怒**夜明犀**杜陽編敬宗時高昌

國進夜明犀狀類通天夜則光明可照百步覆繒十重終不掩

其輝煥上令解為腰帶每遊獵雖夜不施蠟炬有如晝日**開水**

犀錢武肅王時有獻雲鶴水犀帶者武肅登碧波亭命許彥

方係帶試水水開七尺許**響犀**文宗時宮人沈阿翹吳元濟

之妓女進白玉方響光明皎潔可照十數步玉犀槌即響犀也

凡物有聲乃響應其中**犀道**東海蔣潛嘗至不其縣見林

下踏一屍已臭爛鳥來食之輒見一小兒長三尺許來驅鳥為

乃起如此非一潛異之乃就省之見死人頭上着通天犀道價

數萬錢乃拔取之既去衆鳥爭集無復驅者潛後以此導上晉

武陵王後落齊豫章王處王死內人江夫人斷以為釵每夜見

一兒繞床啼叫云何為者割必當相報江夫人惡之月餘遂薨

齊諧 **夜犀** 宣宗時山南西道秦州舉牛見押赴闕庭上於

便殿閱之宣示百僚命中使押還放於渠州之野**温嶠**

過牛渚磯深不可測遂燬犀角而照之復更見水族奇形異狀

或乘車馬者赤衣者嶠其夜夢人謂已曰與君幽明自別何意

相照也意甚惡之未幾嶠卒**投犀** 李勉為嶺南節度使被召

至石門盡抽家人所蓄珍犀投之江中**目魚犀** 杜夢瑣言揚

州女適裴坦長子嫁資豐厚坦尚儉聞之不樂一日與夫人至

新婦院見臺上果樸乃卧魚犀遽拂袖出

頁文已失

象

說文象長鼻牙南越之大獸三歲一乳 左傳象有齒以焚其身 舊說象性又識見其子皮無遠近必泣

象牙長一丈餘脫其牙則深歲之削木代之可得不爾窮其主得乃已 象耳中有油出謂之山性發往往奔逸傷人牧者視

象耳有油出則多以索摩之 弘明集有三盲摸象得象耳者云象如簸箕得象鼻者云象如春杵雖獲象一方終不得全象之寶 北戶錄凡象白者西天有之又供御陀國有青象皆中

夏所無也 山海經巴蛇食象三歲而出其骨 象一名伽那或曰那先 雲南象負重致速若牛馬然 地理志九真郡

龐縣多象生山中 鼻為口役望頭若尾服重致速行如丘徒

象耕

舜葬蒼梧下有群象常為之耕禹葬會稽祠下有群

象耕田

石象

仙人王子喬駕白象游于高安之荷山其象化

為石山中有池多紅蓮

象

吳伐楚鍼尹固與王同舟王使

執燧象奔吳師

釋象

孫權獻馴象二頭魏太祖欲知其斤重

鄧王冲尚幼乃曰置象大船刻其所至稱物以載之可知也太

相大悅

手頓象鼻

魏文帝時南越獻白象子在帝前任城王

曹彰手頓其鼻象伏不動

傷人伏罪

晉時南越致馴象入充

帝庭象

以鼻擊害人有司祝之而殺象垂鼻泣血流地不敢動

夢象

張茂嘗夢大象以問萬推曰君當為大郡而不能善終

夫象者大獸獸者守也象以齒焚其身後必為人所殺茂為吳

興太守王敦遣沈充殺之而取其郡 異苑 **大容** 始興郡陽山

縣人行田忽遇一象以鼻卷之遙入深山見一象脚有巨刺此人牽挽得出病者即起載人八一紆紉地以鼻屈出數條長牙

送還本處本境苗稼常為象所困其象俗呼大容因語曰我田家在此恒為大容所犯若念我者勿見侵便覺蹶濁如有馴解

於是一家業絕無其患 異苑 **自格三象** 沈攸之為荊州象三頭至江陵城北數里攸之自出格殺之 乾羅曆象 元魏時乾

羅國胡王獻白象背施五綵屏風七寶坐床容數人真是異物常養象于乘黃曹象嘗壞屋敗墻走出于外逢樹即拔遇墻亦

倒衣及鼻 周梁交戰梁以二象被之以甲束刃於鼻令崑

奴馱之以戰揚忠射之象反走 **掘坑陷象** 隋文帝遣大將軍

劉方等擊林邑其王梵志乘巨象而戰方軍不利乃多掘小坑與戰偽北梵志逐之其象陷軍遂亂方大破之遂入其城獲其

廟主十八皆鑄金為之蓋其國十有八世 北史 **四牙五足** 唐高宗時周澄遣國使上表云訶伽國有白象首垂四牙身連五

足力兼十象強制百人請發兵迎取以獻之上曰朕安用其象勞其使而遣之 **舞象** 嶺表錄異蠻王迎漢使于百花樓前設

舞象奏音樂引入一象以金羈絡首錦褙垂身掉頭搖尾皆令節奏 唐永徽以來文單國屢獻馴象凡三十二皆畜苑中頗

有善舞者德宗即位以為物性不遂悉放于荆山之陽 明皇

雜錄上每賜酺御樓引大象摩牛或拜或舞動中音律及西幸
 蜀祿山驅掠舞象馬盡入洛陽一日大設聲樂出幽燕戎王胡
 首因出象給之曰此自南海奔至以吾有天命雖異類必拜舞
 左右教之象皆瞪目憤怒略無拜舞者祿山慙怒盡坑殺之象
 瞻 宋淳化中上苑一象斃太宗命取膽不獲徐鉉曰當在前
 左足果得之 雜俎瞻隨四時在四足春前左夏前右秋後左
 冬後右 知人曲直 安南有象能知人曲直有聞訟者行立而
 歛之有理者即過負心者以鼻捲之擲空中數丈以牙接之應
 時碎矣莫敢競者 伏壯 環王國野象成群一壯管牝三十餘
 牝者牙纒二尺迭洪壯者水草卧則環守壯象死共究地埋之

號吼移時方散又國人養馴者可令伐樵 西陽 象 日南貢

四象各有雄雌其一雌死於九真至南海百有餘日其雄泥土
 著身獨不飲酒食肉長史問其所以輒流涕焉 博物志 象被傷則
 群黨相扶將去則向南跪拜鳴三五以木覆之 象病首必向

南而死 象山 交趾出象處曰象山山有石室惟通一路周圍
 皆石壁先置菟豆于中驅一馴雌入焉布甘蔗于道以誘野象
 象來食蔗則縱馴雌入野象群誘以歸石室隨以巨石室門象
 饑求飼益狎則鞭之以馴則騎而制之又為立名字呼之則應

牧者謂之象奴又曰象公 祖道舞象 吳志賀齊為新都郡守
 孫權出祖道作樂舞象權謂齊曰今定天下都中國使殊俗貢

珍百獸率舞非君而誰騎象扶南王盤况少而雄築圍山林
有大象輒生捕取之教習乘騎諸國聞而伏之 身毒國其人
乘象以戰 後漢書東離國治陟奇城在天竺東南三千餘里
大國也男女皆長八尺而怯弱乘象駱馳往來鄰國有寇乘象
以戰

兕

說文兕如野牛青皮堅厚可以為鎧嶠冢之山其獸多
兕 論衡太師尚父為周司馬到孟津之上杖鉞把旄
號其象曰倉兕夫倉兕水中之獸也善覆人船因神以化令汝
急度 楚王遊於雲夢有狂兕忽至王彎弓而射之應發而殪
仰天而歎曰樂矣今日之遊萬歲千秋之後誰與樂此

虎

格物論虎陽屬夜視一目放光一目放光獵人俟而射之
光墜于地成白石兩脇間及尾端皆有骨如乙字長一二
寸許者是其威也破肉取之可得能令人有威虎橫行而安尾
其怒而吼也聲如雷百獸為之震恐而風從之生矣虎一生止
一乳一乳必雙所謂虎不再交是也死必靠木及巖石未嘗仆
地一名大蟲 本草衍義風之從虎者蓋風木也虎金也木受
金制安得不從故嘯則風生自然之理也 說文虎山獸之君
風俗通虎者陽物百獸之長 金樓子曰寅日山中稱虞吏者
虎也 道家云虎千歲則牙脫而角生 說文委虎虎之有角
者 蜺見虎則跳入虎耳 虎飢欲食見蜺而伏 凡虎若食

一人耳上缺痕者割裂以驗食人之數無差 南詔謂虎為波羅 雲南蠻人呼虎為羅羅 虎類能識人氣未至百步輒伏而嗅聲震山谷須臾奮躍搏人人有勇者不為之動止而坐遠巡弭耳而去 虎骨甚異雖咫尺淺草能身伏不露及其虓然作聲則鬼然大矣 虎不食小兒兒癡不知虎之可懼故不得而食無不食醉人必坐守以俟其醒非俟其醒俟其懼也 凡食男子必自勢起婦人必自乳起惟不食婦人之陰 或遇之者嘗在勢與之敵而屢退引至曲路即可避去蓋虎不行曲路故也 虎食犬則醉犬虎之酒也 俗言四指者天虎也五指者人虎也 埤雅虎奮衝破又能畫地上食蓋蛇盤向土鵲巢

者歲無伏戊巳虎奮衝破此鳥獸之所以靈也 風俗通俗傳 虎本南郡李氏翁所化人呼為李耳則喜呼斑便怒又方言陳魏宋楚之間謂之李父江南楚之間謂之李耳虎食物值耳即止以觸其諱故也 三九二十七日陽氣成故虎七月而生陽立於七故虎首尾長七尺般般文者陰陽雜也 抱朴子虎及鹿兔皆壽千歲滿五百歲色白 易曰虎視眈眈其欲逐逐大人虎變其文炳也君子豹變其文蔚也 履虎尾不噬人亨心之憂危若蹈虎尾書虎兇出於柙語 猛虎處深山百獸震恐虎在檻弄搖尾而求食 猛虎在山藜藿為之不採

叱虎

周王欲殺太子宜臼立伯服釋虎將執之宜臼叱之虎

彌耳而服 項語

虎乳

闡伯比生子文棄諸夢中虎乳之遂使

收之楚人謂乳穀謂虎於菟故名穀於菟 **政猛於虎**

孔子過

泰山側有婦人哭於墓者而哀夫子式而聽之使子貢問之曰

子之哭也一似重有憂者對曰然昔吾舅死於虎吾夫又死於

虎今吾子又死焉夫子曰何為不去曰無苛政子曰小子識之

苛政猛於虎也 家語

按虎尾

孔子嘗遊於山使子路取水逢

虎於水所與共戰攬尾得之內懷中取水還 **刺雙虎** 卞莊

子欲刺虎館豎子止之曰虎者食蟲人者甘餌今兩虎爭人而

鬪則大者傷小者死從傷而刺之一舉必有雙虎之名卞莊子

以為然果有雙虎之功 **石虎** 楚熊渠子夜行見寢石以為伏

虎彎弓而射之沒金飲羽下視知其為石 養由基見寢石以

為兇射之矢飲羽 李廣見草中石以為虎射之沒羽視之石

也復射終不能入 **射白虎** 秦昭王時白虎為害乃募能射者

時夷人胸臆廖仲藥秦精等伏弩于高樓射殺之昭王曰虎歷

四郡害千二百人一朝除之功莫大焉乃刻石與盟 **人化**

虎 牛哀病七日化而為虎其兄啓戶而入虎搏而殺之 漢

宣城太守封邵一日忽化為虎食郡民諺云無作封使君生不

能治民反食民 或問世傳有人化虎理有之乎曰有之昔在

涪村見瓜甲漸變如虎毛斑斑然通身夜開闔而迎虎食其牢

中之豕化雖未成而氣類相感其情已通矣 程氏 長沙居民作

檻伺虎明日衆人共往格之見一亭長赤幘大冠在檻中曰昨被縣召誤入此中急出我民曰君被縣召不當有文書耶亭長即出懷中縣召文書於是出之尋視之化為虎搜神**幻術厭虎**

東海人黃公少時為術能制蛇御虎秦末有白虎見東海黃公以赤刀往厭之術既不得遂為虎所殺**祭虎**漢景帝好遊獵

有獵人見虎無便得之乃為珍饌祭所見之虎帝因夢虎曰汝祭我欲得我爪皮耶我今自殺從汝取之明日帝入山果見此

虎死在祭所乃命剝取皮牙餘肉復為虎焉獨異**衛刺史喪**三業字子香漢和帝時為荊州刺史有德政天子徵之道卒於

枝江有三百虎低頭曳尾宿衛其側及喪去之州境忽然不見

百姓追羨甘棠共立碑文號曰枝江白虎王君耆舊**送物助祭**

後漢歐寶居父喪鄰人捨虎虎趨其廬中即以簑衣覆蔽之虎後送鹿獸以助寶祭時人以為孝慈通於神明**暴虎示戒**唐

鍾傳少射獵醉遇虎與鬪虎不勝遂擒之僖宗朝拜太保中書令戒子孫曰士尚智與謀暴虎何足尚我畫暴虎之狀以戒之

呼西涼君涼州牧李暠微服出城逢一虎在道邊因化為人遙呼暠為西涼君曰燉煌不是福地不如遷徙酒泉言訖乃去

虎枕背梁馮恭永初中醉卧於山路夜有虎來以頭枕其背恭中宵展轉以手搏之復大寢向曉始醒猶見虎縛在脚後

尾護人劉牧居南山塋中植果種蔬為欺侮多伐樹踐牧

曰我不負人人何負我俄有二虎近居惟見牧則搖尾牧曰汝
來護我也虎輒俛首歷年牧卒虎乃去獨異
朗攸之之孫也嘗校獵中道而還左右問何故答曰國家有邊
事須還處分問何以知之曰向聞南山虎嘯知耳俄而使至
道士 梁蕭泰鎮襄陽時虎甚暴村門設檻機設村人炬火燭
之見一老道士自陳云從村告乞還誤落檻裡共開之出檻即
成虎奔馳而去格虎贖盜 元德秀為魯山令虎為暴盜請格
虎自贖許之明日盜尸虎還捨子 後周揚忠從太祖狩於龍
門獨當一虎左挾其腰右拔其舌太祖壯之北臺謂虎為捨子
因以字之酋耳 天后時涪州武龍界多虎暴有一獸似虎而

絕大日正午逐一虎直入人家噬殺之亦不食其肉自是縣界
不復有虎矣檢瑞圖乃酋耳大傳謂之怪獸喫醉 唐傳黃中
為越州諸暨令有部人飲大醉在山中臨崖而睡忽有虎臨其
上而嗅之虎鬚入醉人鼻中遂噴嚏聲振虎遂驚躍便即落崖
為人所得黑虎入觀 天寶中緱氏縣仙鶴觀每年九月二日
夜有一道士得仙其夜皆不扃戶以求上昇張竭忠攝令疑之
令一勇者潛覘之三更後見一黑虎入觀啣出一道士射之不
中竭忠大獵于太子陵東石穴中格殺數虎或金簡玉籙或冠
帔人鬚甚多斑子 天寶中巴人伐太白廟前大松有老人以
神樹止之巴人不聽老人乃登山呼斑子俄群虎出噬巴人真

虎 褒旻善射守北平嘗一日斃虎三十有一有父老至曰此皆彪也似虎而非將軍若遇真虎無能為也旻曰真虎安在老父曰自此而北三十里往往有之旻躍馬而往果有一虎狀小而勢猛據地一吼山石震裂旻馬辟易弓矢皆墜自此慙恨不復射虎補史**禁虎起拜** 張俊者宣州深水縣尉元澹莊客也其妻為虎所取俊乃挾矢入山上大樹伺之乃見其妻已死為虎所禁屍自起拜虎訖自解其衣裸而復僵虎又于穴中引四子皆大如狸掉尾歡躍以舌舐死人虎子競來爭食俊連射斃之截虎頭并殺四子取其首負妻而歸原化記**斑寅將軍** 大中年寧茵秀才於南山莊夜吟有扣門者曰南山斑寅將軍拜謁

相與吟詠明驗之乃虎也傳奇**白額侯** 張鈺遇白額侯于巴

西俠席上明驗之乃虎也宣室志**大空小空** 觀察使襄林訪善

覺禪師問有侍者否師曰有兩箇乃喚大空小空二虎自菴後出師曰有客且去二虎咆哮而去**大青小青** 德聰道人姑蘇

人太平興國間結廬于東峰有二虎為之衛名大青小青行則隨侍前後**辨訟** 扶南王范尋常畜虎五六頭鱈魚十頭若有

訟未知曲直便投與魚虎虎不噬則為有理**虎市** 曲江縣靈鷲山舊多虎一名虎市晉義熙中有天竺僧居此而虎絕**刻**

虎 拾遺記始皇三年盡工名列裔刻兩白玉虎其貌如生不點睛始皇使餘工夜點之化成虎明年南郡獻白虎二視之乃

玉虎也 **後虎箭** 世說桓石虔為兒時從父征西獵有虎被兩

箭伏在地諸將曰惡郎能拔虎箭否石虔至虎邊拔一箭虎跳

虔亦跳高于虎虎還伏虔復拔一箭 **楊香搏虎** 楊香父為虎

所噬香忿搏之父得免又楊豐為虎所噬有女年十四手無刀

刃直搯虎頭以免父 **虎獻鹿** 晉郭文至孝嘗有虎張口向文

文視其口有橫骨乃以手探去之明日乃得一鹿獻于堂前分

羊 商亮字子華年十四舉孝廉到陽城遇兩虎爭一羊亮乃

按劍瞋目斬斷羊腹虎各以其半去 **滄州虎** 滄州人為虎所

逐既及伸其左足視之有竹刺貫之其人拔之虎甚悅隨其人

至家乃去是夜投一鹿於庭如此歲餘月月不絕其人家漸豐

潔其衣服虎不識噬殺之虎復來母罵之曰汝不知報德更來

吾舍豈不愧矣虎羞慚而出數日入至庭前奮躍折脊而死視

虎皆裂 秦召公子無忌不行使朱亥奉辭一雙秦王大怒將

朱亥看虎園中亥瞋目視虎皆裂血出濺虎終不敢動 **渡江**

宋均遷九江太守郡多暴虎均下令去檻穿其後虎相與渡江

劉琨為弘農守有異政虎乃負子渡河帝聞而詔問之對曰偶

然耳 **不畏虎吼** 魏明帝於宣武場上斷虎爪縱百姓觀之王

戎方七歲亦看虎乘間攀欄而吼其聲震地觀者無不辟易顛

仆戎湛然無恐色 **虎媒福** 唐吏部尚書張鎬貶袁州司戶以

次女德容與裴冕子越客約婚越客束裝南邁鎬知其將至命

家族宴於花園忽有猛虎出自竹間遂禽德容舉家號哭莫知所為越客行舟去郡數十里遇水次板屋憇焉微月之下忽見猛虎負一物至衆皆惶撓仍大擊板屋虎於屋側留下所負物遂入山間越客即令舁之登舟燃燭熟視乃十六七美女人也雖髮髻披散衣服破裂而身膚無少損夜久有自郡至者云尚書次女昨夜為暴虎所食至今求其殘骸未獲越客即遣群婢詢德容因號啼不止遂以其事列於鎬鎬凌晨躍馬而至既悲且喜遂與同歸而婚媾果諧其期自是黔峽往往建虎媒之祠焉

熊

詩疏熊能攀緣上高樹見人則顛倒投地而下冬入穴而蟄始春而出 周書成王時不屠國獻青熊 抱朴子熊

壽五百歲則能化 熊於山中行數千里悉有陰伏之所必在崑谷林木中山民謂之熊館 述異記東土呼熊為子路熊居大樹孔中以物擊樹云子路可起於是便下不呼則不動也熊食少許益即宛轉而死胡孫亦然

熊

晉侯有疾韓宣子問子產曰寡君寢疾夢黃熊入於寢門何也對曰昔堯殛鯀羽山其神化為黃熊以入于羽淵實為夏郊三代祀之韓子祀夏郊晉侯有間 趙簡子病不知人五日寤曰我之帝所見一熊欲攫我帝命我射之中熊熊死又有一羆來又射之羆死帝甚喜賜我二笥後有嘗道者曰帝令主君滅二卿熊與羆皆其祖也忽不見

熊

元帝幸虎園

闔獸後官皆坐熊出園攀檻欲上殿馮昭儀乃當熊而立及左
右格殺熊上問人情驚懼彼何故前當昭儀對曰夫猛獸得人
而止妾恐熊至御座故身當之耳帝嗟嘆以此倍敬重之見熊

昭帝時昌邑王賀聞人聲曰熊視而見大熊左右莫見
以問郎中令龔遂曰熊山野之獸而未入宮室王獨見之此天
戒大王恐宮室將空危亡象也漢五**六雄將軍**續宣室志張

鈇歸蜀夜次巴西有人拜曰巴西侯奉請既見置酒邀六雄將
軍至皆黑衣其狀最然天將曉鈇憐寤見巨熊卧于前能穴
續搜神記晉昇平中有人入山射鹿忽墮一坎內見熊子數頭
須臾有大熊入瞪視此人人謂必害已良久大熊出果分與諸

子末後作一分着此人此人饑久冒死取噉之既而轉狎習每
旦熊毋覓食還輒分果此人賴以支命後熊子大其母一一負
將出子既出盡熊毋復還入人解其意便抱熊足熊即跳出遂
得無死 吳元夫鄂州人宋寶慶乙酉四年渡海覆舟漂至一
島見雌熊引至穴中聚毛為巢與梨棗獸肉飼之其人與之交
生一子皆人像也但畧垂耳後遇舟得歸人化為熊 異苑邵
陵黃秀以元嘉三年入山經月不還其兒根生尋覓不見秀躡
空樹中從頭至腰毛色如熊問其故答曰天譴如此汝但自去
生哀慟而歸逾年伐山人見形畫為熊矣積熊酉陽雜俎唐
寧王獵于鄠縣草中得一橫發之乃一少女也自言姓莫氏在

居昨夜遇賊劫至此賊中二人是僧王命載以後乘時方獲一
生熊置積中如舊鎖之時上方求極色王即日表上之具其由
令充才人經三日京兆奏鄠縣食店有僧賃店作法事惟昇一
擯入店中夜久膈膊有聲店人恠其日出不啓門據戶視之有
熊衝人走出二僧已死骸骨悉露上知之大笑曰寧哥大能處
置此僧

鹿

爾雅鹿牡麋牝麇其子麇其迹速絕有力麇鹿一千年
為蒼鹿又百年化為白鹿又五百年化為玄鹿 授神契
德至鳥獸則白鹿見 瑞應圖夫鹿者純善之獸王者則白鹿
見王者明惠及下則見 抱朴子鹿壽千歲滿五百歲色白

漢章帝安帝時白鹿見 魏文帝時郡國奏白鹿十九見晉太
元中豫章太守范甯獻白鹿荆州送白鹿 漢明帝永平中三
角鹿出江陵和帝時豫章徐沔得白鹿高丈九 西夷傳雲南
縣有神鹿兩頭能食毒草 家語四九三十六六主律律主鹿
故鹿六月而生 古今註鹿有角而不能觸麋有牙而不能噬
徵祥說白鹿仁獸也色若霜雪不與他鹿為群 佛書謂鹿為
伊尼 字統云麋驚防也鹿之性相背而食慮人獸之害也
博物志雲南郡出茶首其音為蔡茂是兩頭鹿名也 荆州記
武陵山西有獸如鹿前後有頭常以一頭食一頭行山中時有
見之者 陶隱居云古稱馬之似鹿者直千金今荆楚之地其

鹿絕似馬當解角時望之無辨土人謂之馬鹿 劉子曰鹿形似馬而迅於馬豺形似犬而健於犬國有千金之馬而無千金之鹿家有千金之犬而無千金之豺以犬馬有用而射鹿無用也 名苑鹿之大者為麇群鹿隨之皆視麇所往以尾所轉為準故名談者揮焉其尾辟麇以置箝帛中能令歲久紅色不黧以之拂羶令羶不蠹 楚策山澤之獸無黠於麋麋知獵者張網前而驅已也固還走而冒入至數獵者知其詐偽舉網而進之麋因得矣

獵麋還母

孟孫獵得麋使秦西巴載之持歸其母隨之而歸秦西巴弗忍而與之孟孫大怒逐之居三月復召以為子傅曰

夫不忍于麋又且忍吾子乎射麋之母 吳唐春日將兒出射

正值唐鹿將麋唐射麋即死鹿母驚還悲鳴唐伏於草中致麋淨地鹿母復來唐又射其母應弦而倒至前場又逢一鹿上弩將射忽箭發及激其子唐擲弩抱兒撫膺而哭聞空中呼曰吳唐鹿之愛子與汝何異唐驚聽不知所在 **得鹿家昌** 昔有女

子采薇菜有鷲而飛而走因獲得鹿其家遂昌熾故屈子天問云 驚女采薇鹿何祐 **重鹿賤人** 武帝時有殺上林鹿者下有司收殺之東方朔時在旁曰是固當死者三陛下以鹿殺人一當死天下聞陛下重鹿賤人二當死匈奴有惡須鹿觸之三當死

兩鹿隨車

鄭弘為臨淮太守行春有兩鹿隨車夾轂而行弘

惟問主簿黃國卿為吉凶國拜賀曰聞三公車輜畫作鹿明
當為宰相弘景為太尉以鹿為人謝鯤嘗宿一亭此亭從來
殺人夜有黃衣呼幼與鯤令伸臂窓中極力牽之臂脫乃去明
日看乃鹿臂尋血遂獲之仙鹿異傳蘇耽與兒俱戲獵常
騎鹿鹿形如常鹿遇險絕之處皆能超越衆兒問曰何得此鹿
騎而異常鹿耶答曰龍也魯女生者餌米絕穀入華山後故
人逢女生乘白鹿從玉女數十人沈羲道嘗於路逢白鹿車
一乘龍車一乘從數十人騎迎羲道鹿王楚王敗於震澤遇
群鹿千餘入一大谷中忽一大鹿突圍而走至王前跪而入言
曰我鹿王也今者與其族類盡困於此願大王憫而釋之自今

日日獻一鹿則大王可長享而我等不至殲絕也王命開道縱
之大鹿遂踴躍而往整行而出自是日有一死鹿置王所獵處
三年王崩遂止人為立廟號鹿王廟楚元王大獵于雲夢之
澤群鹿趨山背王引兵逐之鹿陷大谷王以兵塞之一巨鹿突
圍跪請曰我鹿首也鹿與人雖異其惜命則一願日輸一鹿王
擲弓曰汝鹿王也知愛汝民乃下令殺鹿者與殺人罪同後吳
侵楚萬鹿乘月黑奔吳軍若萬馬聲吳軍驚遁鹿王因見楚王
叙其報息曲折楚王為立廟號曰仁鹿廟鹿張盍踰及
儒寧成二人並精思於蜀云臺山石室中忽有一人着黃練單
衣葛巾到其前曰勞乎道士乃辛苦幽深於是二人回視於鏡

乃見是鹿也因問曰汝是草中老鹿何敢詐為人形也言絕即逐其鹿而走去抱朴子淮南陳氏於田種豆忽見有二女姿色甚美着紫纈襦青裙天雨而衣不濕其壁先掛一銅鏡鏡中見二鹿以刀斫獲之**鹿兒難**石勒嘗備於臨水為遊軍所囚會有群鹿傍過軍人競逐之勒乃獲免一老父謂勒曰向群鹿者我也君應為中州主故相救耳**人化鹿**樂安有人姓彭世以獵射為業每入山與子俱行後忽斃然而倒化成白鹿兒悲號鹿超然遠遊遂失所在其子終身不復弋獵至孫復學射忽得一白鹿乃于兩角間得道家七星符并有其祖姓名及鄉居年月乃燒其弓矢永斷射獵異苑項縣人姚牛年十餘歲父為鄉

人所殺牛後在縣署前手刃于眾中吏捕得官長深矜孝節為推遷其事會赦得免令後出獵逐鹿入草中有古深窅數處馬將趣之忽見一翁舉杖擊馬令怒將射之翁曰此中有罪恐君墮耳令曰尔何人曰姚牛父也感君活牛故來謝遂滅不見

白鹿所人晉咸和中長沙郡邏吏黃光道遇白鹿驅之不去直來就光光遂抱取遣吏李堅奉獻**白鹿子**陶淡侃之孫雅好導養年十五六便服食絕穀於野得白鹿子馴而養之恒與之俱往還後遂不復還家**白鹿山**荆門山臨江皆絕壁峭峙五百餘丈亘帶激流禽獸所不能履此岸有一白鹿浮過江行人競逐之謂至山下必得之鹿忽飛超踰岡而去故名此

白鹿洞

李渤與兄涉俱隱廬山嘗養一白鹿因名

其山曰白鹿洞

孝感鹿 伍襲字世公丁父憂廬墓側有一鹿

每襲哭輒踞墳悲鳴 丁茂字仲盧交趾人也至孝母終負土

治冢列植松柏白鹿遊身左右 唐頌字德雅番禺人遭喪六

年廬於墓次白鹿拾食冢邊 羅威字德仁南海番禺人也母

沒盡哀墓側白鹿馴擾 杜牙至孝母卒傭力營墳結茅墓側

牙病嘗有一鹿銜哺之及牙卒乃掘地埋之 鹿觸許孜二親

墓松枝泣曰不念我乎明日鹿死所犯樹下 楮無量丁母憂

解職廬於墓側其所植松柏時有鹿犯之無量泣而言曰山中

衆草不必何忍犯吾先塋樹哉因通夕守護俄有群鹿馴押不

復侵害無量因此終身不食鹿肉唐書 饋解故 孫法宗每

膾鹿觸網必解放之償以錢物後息苦頭瘡夜有女人至云我

是天使來相謝行瘡本不關善人使者速相及取牛糞煮傳之

即驗一傳便差一境賴之 梁吉士瞻夢得一積鹿

皮從而數之有十一領及覺喜曰鹿者祿也吾當居十一祿乎

自其仕進所歷已久及除西陽武昌二郡太守心惡之遇疾不

肯療普通七年卒於郡 會稽孔祐至行通神隱於

四明山谷中有數百斛錢視之如瓦石樵者競取入手即成沙

礫曾有鹿中箭來投祐祐為之養瘡愈然後去 真山在

毗陵梁時有村人韓文秀見一鹿產一女子在地遂收養之既

長與凡女有異遂為女冠梁武帝為別立一觀號曰鹿娘死後
入棺武帝致祭但聞異香不見骸骨蓋尸解也宣室志
明皇於芙蓉園獲白鹿惟王吳山人識之曰漢時鹿也上異之
令左右周視之乃於角際雪毛中得銅牌子刻之曰宜春苑中
白鹿上由是愈愛之移于北山字之曰山客白鹿詩唐玄
宗幸溫泉見白鹿升天改會昌為昭應縣清異錄華清宮一
鹿十年精俊不表人謂之角仙蹄下貫環胡珣為饒州府
人殺得鹿重一百八十八斤蹄下貫銅環上有篆字博物者不能
識酉陽**剖鹿得珠**唐范陽節度使朱克融獵得一鹿鹿腹中
得珠如彈丸黑色初軟後硬如石光明克融以為已無及得珠

安石曰是何祥也曰鹿者祿也鹿死是祿盡也珠初軟後硬是
珠變也祿變珠變必有變易之事衰亡之兆也五月軍亂而全
家被殺祥驗**鹿胎者**開寶七年金陵園圍中鹿忽一旦人
語牧者叱之鹿亦叱牧者曰明年今日汝等俱作鬼物苑圍荒
涼焉能拘我明年宋師渡江牧者俱死苑圍亦廢鹿胎
博物記麋十千為群掘食草根其處成泥名曰麋酸民隨此酸
種稻不耕而獲其收百倍鹿市蜀郡顧幕山山有穴如幕之
口故名高七百二十丈巖壁直峭有平地百餘步坦然而方正諸
山之鹿一日一聚其中號曰鹿市鹿市江同祖過鄂州京山
晚抵村驛驛人言鹿在前結寨即出觀之彌望可數里巨鹿無

數四環成圍以角外向凡數十重而鹿處中動聽嬉戲民曰
相近者悉遺踪踐獵尺雜者其傷豈不可述近轉轉遺之者多
死明日始引去鹿胎 嶺南 嶺南一鹿胎山昔有獵者陳
惠度射鹿此山鹿孕而傷既產以舌舐手執而身死惠度遂復
寺為僧鹿胎 會稽記上虞蘭室山有玄兩禪之處有鹿凡
化為鹿鹿鳴即縣令有罪獨 赤鹿 張掖南山一名天山一
名雪山出赤鹿足短而形大如牛肉十斤鹿胎 鄭人有新
于野者遇駭鹿而斃之恐人見之也遽而獻諸禮中覆之以蔞
不勝其喜俄而遺其所藏之處遂以為夢焉頗遠而謀其事傍
人有聞者用其言而取之鹿胎 扶南國以鹿駕車其國人養

鹿如中國畜牛以乳為酪又回鶻養鹿若牛馬惟食苔俗以駕
車仙鹿 雜俎虞部郎中陸紹弟為盧氏縣尉常觀獵忽遇鹿
五六頭臨澗見人不驚毛斑如畫獵人不射曰此仙鹿也射之
不能傷且復不利陸不信強之獵者不得已發矢鹿帶矢而去
及返射者墜崖折左足四目 淮南子孕婦見兔而子缺唇見
麋而子四目埤雅麋有四目其二夜目也目下有窾夜即能視
夜鳴鹿 玄都觀老鹿將有客來鹿輒夜鳴道士候之無失七
星鹿 漢明帝時七星鹿出江陵兩角間有道家七星符雨鹿
漢成帝時宮中雨一蒼鹿鹿鳴見獲 王元闡鹿鳴問樵者曰
鹿鳴即死少頃獵人果獲元歎曰為爾微聲以彰禍機不食餌

鹿 唐襄休有饋鹿者不食曰蔬食猶不足今一啖肉後何以

繼鹿 衰寬曰義不以苞首汚家人以鹿饋致而去不敢自

欺故瘞之韋詵嗟異以女妻之 **賊鹿** 後魏李曾為趙郡太

守令行禁止并州丁零憚曾不入境賊於常山得一死鹿賊長

責之令還鹿故處 **白鹿** 觀太

猿猴 抱朴子猿壽五百歲變為獍十歲變為老人 淮南子

楚王亡其猿而林木為之殘 格物論猿似猴而大或

黃或黑惟通臂鞋身故善緣能引氣故得壽 埤雅猿臂通有

刻之可以為笛整圓于竹 廣雅猴一名胡孫一名王孫一名

獼猴 莊子今取猿狙而衣周公之服被必齧鬣挽裂盡去而

後憮 淮南子置猿檻中非不巧捷無所肆其能也 晉書窮

猿投林豈暇擇木譙子人而無禮其獼猴乎雖人象而蟲質也

神猿擁樹 呂氏春秋荆王有神白猿王自射之則搏樹而嬉

使養由基射之始調弓矯矢猿擁樹而號 **袁公** 吳越春秋越

王問范蠡手劍之術蠡曰臣聞趙有處女國人稱之願王請問

之於是王乃請女女將北見王道逢老人自稱袁公問女曰聞

女善為劍願得一觀即挽林杪之竹末折墮地女接取其末袁

公操其本而刺處女女因舉杖擊之公即飛上樹化為白猿

為海猿 鄧艾見玄猿抱子在樹上引弩射之中猿毋其子

為拔箭捲樹葉塞瘡艾嘆曰吾違物性其將死矣乃投弩于水

中 **魏元忠** 微特家貧止有一婢厨中方爨出外汲水
還乃見老猿為其守火婢驚白元忠元忠曰猿恐我之使為我
執爨不亦善乎 **華山** 道士李道殷有奇術能憐伏
鬼神畜一黑猿呼為臂童道殷于廬側古松上以茅草營巢為
臂童寢息之所名曰峻青宅 **宣靈志** 張良史實南宅以
居觀黑衣郎樹上擲瓦見擊其弟射殺之乃猿也 **石人**
孔帖 穎川陳叢景龍初舉孝廉于京師至渭南縣見一婦人貌
甚殊絕衣白衣立于路隅掩袂而泣叢叩之婦人乃曰妾楚人
也侯氏子家弋陽先人以高尚聞於湘楚間田是隱跡山於妾
雖一女子亦有箕山之志 **摩訶猴** 昔有人畜一子母胡猴一

日為飛下搏其子對母啄其腦食其髓胡孫哀鳴三日不食經
于厨中取肉一片戴頂上往中庭似有所伺遂巡為果來搏肉
胡孫兩手掩壁其翅嚙腦食髓眾見之甚為快意 **義猴** 咸熙
中有翁姬弄猴子于瑞昌門外一日姬死翁葬之未幾翁死無
人葬猴守之日久人憐而葬之咸稱義猴 **孫德泰** 唐昭宗播
遷有弄猴頗馴能隨班起居昭宗賜以緋袍號孫供奉朱梁篡
位取此猴令殿下起居猴墜殿陛見全忠往趨其所跳躍奮擊
遂令殺之唐臣愧此猴多矣 **燕開** **辟猴還山** 有人種黍山中
患獼猴食之聞介象有道術乞辟猴之法象曰明日往黍所墜
見群猴便大喚語之曰已白介君教莫侵食黍此人明日往見

泰遇群猴適欲下樹因承象語遂各自還山神仙傳 **從人猴** 大

曆中有猴數百集古田杉林中里人欲伐木殺之中有一老猴

忽躍去隣近一家縱火燔屋里人懼亟走救火于是群猴遂脫

去墨談 **斷腸猿** 世說桓公入蜀至三峽山中部伍中有得猿

子者其母緣崖哀號行百餘里不去遂跳上船至便即絕破視

其腹中腸皆寸寸斷公聞之怒命黜其人 南齊魚復侯子響

為蕭順之所殺武帝出景陽山見一猿投擲悲鳴問後堂丞此

何意答曰猿子前日墮崖致死其母求之不見故耳上因憶子

響歎秋良久不自勝順之慙悞以憂卒 南史 **山公** 王績遊嵩

山月夜見一人胡髻眉皓而瘦樵山公與績談文異義出於言

外績疑其恠潛開匣取鏡鏡光出而胡者失聲俯伏化為猿而

殞異聞 李約多畜古器養一猿名山公嘗以之隨逐月夜泛江

登金山擊鐵鼓琴猿必嘯和傾壺連日不俟外賓約汧公子也

報時猿 商山隱士高太素在山中構道院二十餘間太素起

居清心亭下皆茂林秀竹奇花異卉每至一時即有猿一枚詣

亭前鞠躬而啼不易其候太素因目之為報時猿天寶遺事 **四**

叟 唐王績讀書嵩山有四叟携榼來相訪自稱木巢南林大

節孫文蔚石媚虬高談劇飲既醉俱化為猿升木而去樹萱 **四**

兒 咸通十年段公路次青山鎮其山多猿有黃緋者絕大毛

彩殷鮮真謂奇獸多群行玄者善啼啼數聲則虫猿叫嘯騰擲

如相呼因召獵者捕而養之名曰巴兒極馴不食食於樹杪間呼之則至後自潘州回路應仙虛聞舊山猿啼不食而卒乃積薪蔽坎北戶曰巴侯 吳郡張鈇罷秩歸蜀行次巴西會日暮

有人道左出拜曰吾君巴西侯奉邀鈇既見飲酒將曉而寤身

卧石龕中有巨猿醉卧于地宣室志野賓 王仁裕畜一猿號野

賓呼之則應後因為患頂上係紅絲一縷題詩送之云棲宿免

勞青嶂夢躋攀應愜碧雲心後入蜀見群猿飲于清流有巨猿

捨群而前於道畔古木之間垂身下顧紅綃髮鬚而在後者指

之曰此野賓也呼之聲聲相應移時哀叫數聲而去繼作一篇

末句云數聲腸斷和雲叫識是前年舊主人王氏但公 見果

山家小兒

天監中釋寶誌曰掘尾狗子自發狂又曰山家小

兒果攘背皆猴狀也後侯景叛果書執鐵胡孫 楊仲嗣躁率

魏光乘目為執鐵上胡孫金載指腹猴 南唐李后主獵青龍

山一牝狙觸網見主雨淚稽顙指其腹戒虞人保守之是夕誕

二子還幸大理寺錄囚繫有大辟婦以孕在獄未幾誕二子煜

感狙事罪止於流湘山野錄猴王 外夷爪哇國山多猴不畏人呼

以霄霄之聲或投以果實則其六大猴先至土人謂之猴王猴

夫人食畢群猴食其餘袁化猿孫恪妻袁氏有二子後欲

遊峽山寺既至若熟其路持碧玉環獻僧有野猿數十聯臂而

下表惻然題云不如逐伴歸山去長嘯一聲烟霧深擲筆為猿

而去老僧方悟昔養猿高力士以束帛易之以碧玉環隨猿頸
而去發囚猴 吳縣民汪鳳盛忠宅在通津邑胥張勵見有青
氣徹天遂令掘發得一釜銅盤覆焉繞揭起大猴跳出釜中有
石銘云貞明元年七月十五日茅山道士鮑知遠囚猴神於此
有發者當族滅發後十二年胡兵大擾勵以天寶十二年發祿
山起勵家滅矣廣異記 伶人刁俊朝妻已媪項癭初若
雞卵積五年大如數斛之鼎妻曰君當為我決折之看有何物
俊朝磨淬利刃癭遂四分披裂有一大孫踔躍而去明日有黃
冠扣門曰吾癭中之孫也向與漢江老蛟常覆舟以求食太乙
誅蛟搜索黨與故借君夫人蠅蟻之領以匿性命為累亦甚矣

今於鳳凰山神處求得靈膏塗之當立愈既而辭去莫知所詣
時大定中也

狐狸 陶隱居曰江東無狐皆出北方形似狸而黃善為魅狸
似虎斑 又一種青狸有麝氣一種棲高木候風吹而

過他不謂之風狸眉長好着見人輒低頭一種面白而尾似牛
名玉面狸又名牛尾狸專食百果又有晝伏夜出金眼長尾黑
質白章尾文九節名九節狸性狡而捷好捕鼠 說文狐妖獸
也鬼所乘也有三德其色中和小前大後死則首丘謂之三德
山海經青丘之國有九尾狐 白虎通德至為獸則九尾狐見
舊說野狐夜擊尾火出將為恠必戴鬪髻拜北斗鬪髻不墜則

化為人 玄中記狐千歲為潘婦百歲為美女為神巫為丈夫
與女子交接能知千里外事即與天通是為通天狐 名山記
狐者古之潘婦其名紫紫化而為狐故自稱阿紫 周宣王三
十三年幽王生是歲有馬化為狐

假虎威

楚宣王問群臣曰吾聞北方之民畏昭奚恤亦誠何
如江乙對曰虎求百獸而食之得狐狐曰子無殺我天帝令我
長百獸子若食我是逆天帝之命子以我為不信為子先行隨
我後觀百獸見其能無走乎虎以為然隨狐而行百獸見皆走
虎不知獸之畏已反以為畏狐也今王地方五千里帶甲百萬
而任之於昭奚恤然則北方非畏奚恤實畏王之甲兵

傷足狐

廣川王去疾遊獵無度國內家室盡發之嘗發藥書家無餘物
有白狐見人驚走左右執之不得傷左足於是王夢一丈夫髮
眉盡白來謂王何故傷吾左足以杖叩王左脚王乃患脚至死
不差西京雜記**廣陵人** 胡道洽自云廣陵人好音樂醫術之事體

有臊氣常以名香自防惟忌猛犬自審死日誠弟子曰氣絕便
殞勿令狗見我尸也死於山陽歛畢覺棺空即開看不見尸體
時人咸謂狐也異苑**胡博士** 有一書生稱胡博士教授諸生

忽復不見九月初九日士人相與登山遊觀聞講書聲命僕尋
之見空冢中群狐羅列見人即走老狐獨不去是皓首書生

記孫巖妻

後魏孫巖娶妻三年妻不脫衣而卧巖私恠之伺

其睡陰解其衣有尾長三尺似狐尾巖懼而出之妻臨去將刀
截岩髮而走隣人逐之變為一狐追之不得其後京邑被截髮
者一百三十人初變為婦人衣服淨莊行於道路人見而悅之
近者被截髮當時婦人着綠衣者指為狐魅加濫**天狐**神
龍中有何讓之者上已於洛中光武原陵上見老翁吟曰野田
荆棘春閨綺羅新出沒頭上日生死眼前人倏然躍入丘中
讓之從焉遽見一狐跳出尾有火復如流星讓之見一几案上
有文書題云應天狐超異科策八道讓之喜而懷之躍出丘穴
後數日狐化為僧持縑來易復化讓之弟給取去未幾有勳捕
盜內庫緝者遂執讓之付法乾臘**玄狐**李林甫嘗退朝見一

玄狐其質甚大若牛馬而毛色黧黑有光自堂中忽馳至庭顧
望左右林甫命弘矢將射之未及已亡見矣自是凡數日每晝
坐輒有一玄狐出焉其歲林甫籍没宣室**白狐**唐丞相李揆
乾元初為中書舍人嘗退朝見一白狐在庭中搗練石上命侍
童逐之已亡見矣時有客於揆門者因話其事客曰此祥符也
某敢賀至明日果遷禮部侍郎宣室集異記李揆夏夜宿堂之
前軒有巨狐鳴噪于庭乃人立而眺月光逆射久之踰垣而去
揆甚惡之及將曉入朝其日正拜**繪書**搜神記吳郡顧旗
至一岡忽聞人語聲云咄咄今年襄乃與衆尋覓岡頂有一窠
是古時冢見一老狐蹲塚中前有簿書一卷老狐對書屈指有

所計較犬咋殺之取視簿書悉是姦人文名已經姦者朱鈞頭
 所疏名有百數而旃女亦在簿次**咋狐犬** 睢陽郡宋王家旁
 有一老狐邑中之狗悉往朝之狐坐冢上狗列其下東都王老
 有雙犬能咋魅前後殺魅甚多宋人相率以財雇犬咋狐王老
 牽犬往犬乃經詣諸犬之下伏而不動大失宋人之望今世人
 有不了其事者相戲云取睢陽野狐犬廣異**玄丘校尉** 張銍
 為巴西侯所邀坐中有緡玄丘校尉者明日視之乃狐也**知雨**
 漢董仲舒嘗下帷獨詠忽有客來風姿音氣殊為不凡與論五
 經究其微與仲舒素不聞有此人而疑其非常乃謂之曰巢居
 知風穴處知雨卿非狐狸即是老鼠客聞此言色動形壞化成

老狸躡然而走幽明錄**盜馬** 費長房曾與人共行見一書生黃

巾被裘無鞍騎馬下而叩頭長房曰還他馬赦汝死罪人問其

故長房曰此狸也盜社公馬耳**天逐婦** 南部新書晉天福甲

辰歲公安滄渚居民犬逐一婦人登木而墜為犬咬死乃老狐

也尾長八九尺**升榻狐** 宋徽宗宣和七年有狐升御榻而坐

此金人竊據中原之**堽** **堽下狸** 樂廣為河南尹先是河南官

舍多妖恠前尹皆不處正寢廣居之不疑嘗外戶自閉左右皆

驚廣獨回顧見堽下有孔掘堽得狸殺之其恠遂絕**華表照狸**

張華為司空燕昭王墓前有一班狸化為書生欲詣張公過問

華表曰以我才貌可得見司空邪表曰張公智度恐難籠絡非

但喪子十年之質亦當深誤老表狸不從乃謁華談論三日不
屈華甚疑之曰此必妖也使人防門不得出謂華曰公門置甲
兵是疑于僕也將恐天下之人捲舌而不言智謀之士望門而
不進華不應鄴城令雷煥來訪曰何不呼獵犬試之乃命犬以
試乃曰我天生才智反以為妖千試萬慮能為患乎華益怒曰
此必真也惟有千年枯木照之則形見燕惠王墓前有華表木
已經千年乃遣人伐之使人至木所空中有一青衣小兒曰老
狸不聽我言禍已及我乃發聲而泣倏然不見使乃伐其木血
流將歸燃之以照書生乃一斑狸華歎曰此二物不值我不可
得乃烹之搜神記**鸚鵡化狸** 王度至長安程雄家雄新受寄一

婢頗端麗名曰鸚鵡度疑其精魅引鏡逼之化為老狸而死

豺狼

埤雅豺似狗而長尾白頰高前廣後其色黃季秋取獸
四面陳之以祀其先世謂之豺祭獸 周書霜降之日

豺乃祭獸豺不祭獸爪牙不良 俗云群豺噬虎言其健猛且

衆可以窘虎也史云豺見虎睡則逐而溺之虎不能起遂噬之

又云豺柴也豺體細瘦故謂之豺棘人骨立謂之豺毀其義取

諸此 說文狼似狗 埤雅狼作聲諸竅皆沸性貪暴爭食以

害其身里語狼將遠逐食必先倒立以上所向故今獵師遇狼

則喜蓋狼之所向獸之所在也或云狼起卧游戲多藉其草而

草皆穢亂故里語云狼藉又曰狼扈 狼頰下有袋求食滿腹

向前行乃觸之退後又遠其尾進退有患 埤雅古之烽火用
狼糞取其煙直而聚雖風吹不斜或曰狼駢脊直腸其糞烟直
為是故也 六忙狼前足絕短每行常駕兩狼失狼則不能動
故世言事乖稱狼狽

白狼銜鈞

田俵子曰兩湯為天子有神手牽白狼口銜金鈞

而入湯庭

隋衣履水

宋王懿字仲德義兵窘迫而值暴雨洪

潦不知津梁有一白狼至前仰天而號訖銜王衣因隨狼以濟

滄浪君

張鉉於巴西侯席上見一人蒼衣其質魁岸號滄浪

君既悟見一狼卧于前

晉人 稽神錄晉州神山民黃張妻

忍夢一黃褐人腰腹甚細留滌之兩接而去遂懷妊好食生肉

舐唇咬齒而性狼戾後生二狼生即走其夫擊殺乳烏孫 烏

孫玉昆莫初生棄于野狼往乳之 **生突厥** 突厥之先匈奴之

別種也被隣國破滅有一兒年十歲其足棄草澤中牝狼

以肉餌之及長與狼合有孕焉彼聞兒在欲遣殺之兒與狼逃

之高昌國北遂生十男其後各有一娃何史那即其一也 **齒宮**

人 江都易王非卒子建立宮人有過縱狼嚙殺之觀以為樂

高車國 單于二女甚美置高臺上有老狼守臺遂為狼妻產

子後遂為高車國 **狼入市** 秦時狼入咸陽市

獺 廣雅獺一名水狗又名獺獺四足俱短頭與身尾俱禿毛
食魚水中亦能休于大木上謂之木獺 周書雨水之日

獺祭魚射獺之祭皆四面陳之而獺圓布材方布也獺將魚羅
列于前取黃頰魚一枚以爪按其頭作聲如人有巫祝也故俗
呼黃頰魚為師祭畢獺食諸魚而縱魚師于水 獺又能捕鳥
仰卧于水乃吐沫以引之鳥見沫浮群飛啄之獺乃以四足抱
住 淮南子鵲巢知風獺穴知水水之所及則獲獺移穴 埤
雅熊食鹽而此獺飲酒而斃 列仙傳劉綱垂盤成輿妻嬰夫
人垂盤成獺

馬 周官凡馬八尺以上為龍七尺以上為騂六尺為馬天子
十二閑六種邦國六閑四種家四閑二種春祭馬祖夏祭
先牧秋祭馬社冬祭馬土馬一歲為駒二歲為駒八歲為馵

乘黃亦名飛黃似狐有五肉角 荀子騂騶騏驥織離綠耳古
之良馬也 說文馬怒也武也 春秋考異陰合於八八合陽
九八九七十二二為地地五月月精為馬月數十二故馬十二
月而生人乘馬以理天下王者駕馬故其字以王為馬 古今
注秦有名馬七追風白兔躡景追電飛翺銅爵晨鳧 六帖龍
媒騶袋並駿馬名騶駘欵段並羸馬名 淮南子黃帝治天下
青龍進駕飛黃服皂 瑞應圖王者輿服有度則乘黃至 又
曰騰黃者神馬也其色黃王者德御四方則至一名吉光一名
乘黃亦曰飛黃曰吉黃曰翠黃曰紫黃其狀如狐背上有兩角
出白民之國壽三千歲 海內經曰犬戎國有文馬縞身鬣目

若黃金名曰吉良周成王時獻之郭璞云吉良吉黃雞斯乘黃
皆一物也 飛兔者行三萬里禹治水土勤勞歷年救民害天
應其德則至鯤蹄者后土之獸自能言語王者仁孝於民則出
禹治水有功而來 龍馬者神馬河水之精也高八尺五寸長
頸骨上有翼旁垂毛鳴聲九音有明王則見 孟康曰馱馱駿
馬也生七日而超其母周書曰正北以馱馱為獻 穆王巡行
天下馱八龍之駿一名絕地足不踐土二名翻羽行越飛禽三
名奔宵夜行萬里四名超影逐日而行五名踰輝毛色炳耀六
名超光一形十影七名騰霧乘雲而行八名挾翼身有肉角遺
記八駿一曰驊騮綠耳赤驥白羲渠黃踰輪盜驪山子穆天驥

不稱其力稱其德也 語弊帷不棄為埋馬也 老驥伏櫪志在
千里 選風騷霧鬣斷山驟堅柳馬如游龍 漢書 老子曰天下有
道却走馬以棄天下無道戎馬生于郊王弼曰天下有道修于
內而已故却走馬以棄田 韓子曰伯樂教其憎者相千里馬
教其愛者相駑馬以千里馬世一有其利少駑馬多其利多也
孫卿子曰騏驎一日千里駑馬十駕則亦不及之矣 淮南子
曰免人於難者其死也棄之以帷為衾馬有功猶不可忘又况
人手 符子曰齊景公好馬命使善畫者圖之訪以者蒼年不
得今人君考古籍以求賢亦不可得也 益鉄論騏驎負蓋車
垂頭於太行之坂屠者持刀睨之 爾雅駒駘北狄良馬也一

云野馬山海經北海內有獸狀如馬名曰駒駮也青史記匈奴
奇畜則駒駮瑞應圖云幽隱之獸有明王在位即至為時除灾
害尸子曰我得民而治則馬有紫燕蘭池秀驥逢騏 華子
曰堯漢皆得馬者以皆火德正午南方乘德而至也 韓子曰
發齒吻形容伯樂不能以必馬投車就駕而觀其末塗則臧獲
不疑鴛鴦 古之善相馬者寒風是相口齒麻朝相頰子女厲
相目衛忌相鬣許鄙相肌投伐楊相膏脇管青相唇吻陳悲相
股脚秦牙相前鬣君相後允此十人者皆天下之良工也其所
以相馬者不固見馬之一微也而知節之高卑足之滑易材之
堅脆能之長短非獨相馬然也人亦有徵 東方朔曰騏驥綠

耳天下之良馬也將以捕鼠於深宮曾不如跛猫 今有良馬
不待冊綴而行驚馬雖冊綴之不能進為此不用冊綴而御則
愚矣唯夫馬之為草駒之時跳躍揚鬣尾而走人不能制齒
昨是以嗜肌碎骨蹶蹶足以破廬陷匈及至圍人擾之良御教
之掩以衡扼連以轡銜則雖懸險墮弗敢辭也故其形之為馬
馬不可化其可駕御教之所為也馬聲虫也而可以通氣志猶
待教而成又况人乎 馬一疋俗說相馬及君子與人相疋或
曰馬夜行目明照前四文故曰一疋或曰度馬縱橫適得一疋
或說馬死賣得一疋帛或云春秋左氏說諸侯相贈乘馬束帛
帛為疋與馬數相疋耳 顏回望吳門馬見一疋練孔子曰馬

也然則馬之光景一疋長耳故後人號馬為一疋韓詩凡達兵事急能致風雨突圍而走者益有諸丹隨身耳諸丹者馬腹中所產之物用之愈呪即致風雨如狗寶牛黃之類

老馬識道

齊桓公伐孤竹春往冬還迷惑失道管仲曰老馬之智可用乃放老馬而隨之遂得道盜馬報恩秦穆公東敗

失左驂自往求焉見岐下野人殺馬拊食之穆公笑曰食駿馬肉而不飲酒恐其傷性也遍飲之而後去後聞秦擊晉皆從推鋒死以報馬殺殺人齊景公使人養所愛馬馬病死公怒令人殺養馬者晏子請殺之曰爾有三罪使汝養馬殺之一當死也又殺公所最善馬二當死也使公以一馬之故而殺人百姓

必怨諸侯輕伐吾國三當死也公喟然赦之

調以馬

楚莊

王有愛馬衣以文繡置華屋下席以露牀暗以棗脯馬死欲以大夫禮葬之樂人優孟入殿門大哭曰請以君禮葬之以雕玉為鞍文梓為槨豫章為題發甲卒為墳老弱負土諸侯聞之皆知大王賤人而貴馬也王曰為之奈何曰請為王言六畜之葬籠竈為之槨銅漚為之棺齊以薑桂薦以木蘭衣以火光葬人腹中王乃以馬屬太官無令天下知聞也**九方相馬**秦穆公謂伯樂曰子之年長矣子姓有可使求馬伯樂對曰良馬不以形容筋骨相也天下之馬若滅若沒若亡若失臣之子皆下材也臣有所與九方皋其於馬非臣之比也穆公見之使行求

馬三月而反報曰已得之於沙丘穆公曰何馬對曰牝而黃使人往取之牡而騮公不悅謂伯樂曰敗矣子之所求馬者色物牝牡不能知又何馬之能知也伯樂曰若幸之所觀天機也得其精而忘其粗在其內而忘其外馬至果天下之良馬也

善御

定公問於顏淵曰子聞東野子之善御乎顏淵曰善則

善矣雖然其馬將失定公曰何以知之顏淵曰臣以政知之昔造父巧於使馬造父不窮其馬是造父無失馬也今東野畢之馭上車執轡御體正矣步驟馳騁朝禮畢矣歷歷致遠馬力盡矣然猶求馬不已是以知之也

不棄老馬

田子方出見老馬

於野喟然曰少盡其力而老棄其身仁者不為也東帛贖之大

死馬

大宛有善馬在二師城匿不肯與天子既好宛馬使壯

士持千金及金馬以請宛王善馬宛國饒漢物相與謀不肯與漢使怒妄言推金而去宛貴人怒攻漢使取財物天子大怒拜李廣利為貳師將軍發屬國騎及郡縣悉少年數萬人以伐宛期至貳師城取善馬

認馬即子

卓茂為丞相史事孔光嘗出

行有人認其馬茂解與之曰若非公馬幸至丞相府歸我乃步

的顯濟危

劉備之初奔

劉表屯於樊城左右欲因會取備覺如廁使出所乘馬走墮襄陽城西檀溪水中滿不得出備急謂的顯曰今日急不可不努力的顯達備意一踊三丈得過

孫權征合肥馬上津橋橋見

撤文餘無板權躍馬超之獲免陶馬尋主孫堅討董卓失利

被鎗墮馬卧草中軍衆分散馬還營嗚呼軍人隨馬向草中乃

得堅扶還營馬不利更亮所乘馬名的顯殷浩以為不利

主勸亮賣之亮曰豈有己之不安而移之他人馬蹏不驚更

疑遁世不仕牛馬有蹏蹏者恐傷人不鬻於市款段馬馬接

從弟少游謂接曰但取衣食足乘下澤車御款段馬為郡吏守

墳墓鄉里稱善人斯可矣能活死馬將軍趙固良馬死惜之

郭璞求謁吏不為通璞曰吾能活馬因出見之乃令三十人持

竿束竹三十里見丘林社廟以竹竿打對果得一物似櫻持歸

此物見死馬噓吸其鼻中頃之為果起奮迅如故不復見前物

謝尚所乘馬忽死尚甚愛惜之時有夏侯弘自言見鬼神與言

語尚初不信弘曰我能令馬活信通神不乃下牀去良久還曰

廟神愛君馬今已請得還須更衆人皆見馬從外來至死馬邊

便滅死馬即活馬瘡王濟乘馬不肯渡水曰馬必是惜連乾

障泥去之乃渡杜預曰濟有馬癖王湛居墓次兄子濟往省

濟性好馬而所乘馬駿駛意甚愛之湛曰此小馱然力薄不堪

苦近見督郵馬當勝此但養不至耳濟取督郵馬穀食十數日

與湛試之湛未嘗乘馬卒然便馳騁步驟不異於濟而馬不相

勝湛曰今直行車路何以別馬勝不唯當就蟻封耳於是就蟻

封盤馬果倒踣馬害國人抑公綽冠馬害國人公綽殺之以

祭或曰良馬可愛曰安有良馬而害人乎安色一家王毛仲

高麗人於牧事尤力蓄息不貲從帝東封取放馬數萬疋每色

一隊相間如錦繡天子才之愛其補後支道字道林嘗養馬

入或譏之答曰愛其神駿聊復畜爾無為玄宗教舞馬四百

蹄分為左右部有名稱曰某家驕其曲曰傾盃樂數十馬皆衣

以錦繡給以金鈴每千秋節舞於勤政樓下樂作奮者鼓尾縱

橫應節祿山取數十匹歸范陽後為田承嗣所得一日大饗樂

作馬聞樂而舞既人以為妖擊之而斃前少作馬矣官

養馬之後者劉三復能說三生事自云前身作馬馬渴則望驛

而嘶傷蹄則連心痛在桃文車子乘蒼龍桃文之乘釣歸在

前錯鑿在後馬欲進則鈞歸禁之欲退則錯鑿貫之馬因旁出

因下抽刀刻其脚造父過而為之泣歸曰古人治人亦然矣夫

賞所以勸之而毀存焉罰所以禁之而譽加焉民中立而不知

所由此亦聖人之所為泣也一日乘蒼龍與羅文之乘羅文駢

列異記故司隸鮑子都少時舉上計於道遇一書生卒得心痛

子都下車為按摩奮忽而卒不知姓字有素書一卷銀十餅即

賣一餅以資殯殮其餘以枕之素書着腹上埋之未至京師有

駢馬隨之遇一閨內侯家住宿問曰君何以致此馬子都因說

之侯乃驚愕曰此吾兒也使迎喪開棺視銀書如所言侯乃薦

子都辟公府至司隸子永孫昱俱為司隸皆復乘駢馬故京師

歌之曰鮑氏駢三入司隸再入公馬雖瘦行步工**王追**張飛

有馬號王追時歌曰人中有張飛馬中有王兔**赤兔**呂布良

馬能馳城飛塹**白鵠**曹洪馬足似不踐地渡水毛不濕行數

百里瞬息而至諺曰憑空虛躍曹家白鵠**曹真**馬名其

馳驟如烈風之舉帆**揚武**晉司馬休之奔廣固慕容超欲害

之休之不知所乘騅馬連鳴不食注目視鞍休之試被之還床

坐又驚跳如此者數四因試騎出門便奔而馳行十里顧望所

住已有收兵至矣後還荊州加騅馬揚武之號**曹彰**魏曹彰

偶逢駿馬愛之其主所惜也彰曰余有羨妻可換惟君所選馬

主因指一妓彰遂換之**唐開成**初有鮑生亦多畜妓

外弟韋生有良馬數四同憩歷陽道山寺鮑置酒命妓韋見鮑

有欲馬之意曰能以人換乎鮑遣四妓更衣而出韋以紫叱撥

酬之俄有一客至曰可以妾換馬為題共賦其一曰香煖深閨

未厭天樞之色風清廣陌曾憐噴玉之聲其一曰青散綠

已忘於髣髴汗流紅額愛無異於楚脂容自稱江淹謝莊也

獅子漢武帝有良馬名照殿王獅子**赤龍駒**天監四年換

飲光華殿其日河南國獻赤龍駒能拜伏普**師子**隋文

帝所乘騅馬脊有肉鞍時大死獻千里馬駿曳地號曰師

子騅人莫能制良將裴仁基一手撮耳一手樞目馬戰不敢動

乃跨乘之朝發西京暮至東洛隋末不知所在唐文皇訪得於

朝邑市麴家挽禮駿尾焦禿皮肉穿穴帝自出長樂披馬到新
豐向西鳴躍帝甚喜齒口並平飼以鍾乳仍生五駒皆千里足
也後不知所在食車言項與武懿宗爭趙州功太后不說曰太
宗有師子駘無能調馭者朕為宮女侍側曰妾能制之然須三
物一鉄鞭二鉄過三七首鉄鞭擊之不服則以撻撻其首又不
服則以匕首斷其喉太宗壯朕之志今卿豈足汚朕匕首耶瑛
惶懼流汗拜伏求生乃止 **十驄** 太宗時東骨利幹國產良馬
者以秦駘筋骸壯大日中馳數百里其大尚俠介因使者獻之
帝取其異者號十驄皆為義名其中决波驗走厯門三限不踰
上尤惜之 **昭陵六馬** 太宗六馬一曰拳毛騧二曰什伐赤三

曰白蹄烏四曰特勤驃五曰颯露紫六曰青騮皆有資 **忽雷駘**
秦叔寶所乘馬號忽雷駘常飲以酒每於月明中試能豎越三
領黑檀及公卒嘶鳴不食而死 **望雲驄** 玄宗幸蜀天厩八馬
其七盡斃于棧道惟一雲驄存焉後德宗幸梁亦充御馬 德
宗御馬號望雲驄幸梁還飼以一品料暇日牽而視之長鳴四
顧若感恩狀後老死飛龍厩中貴戚畫為首 **龍子** 開元時滑
州刺史李邕獻馬一匹肉髮髯臆嘶不類馬聲日行三百里邕
任淄青日遇一翁云聖主將得龍馬以應太平遂於青州馬恩
家獲而獻之初馬恩有牝馬嘗浴於淄水遂有胎產而因以龍
子呼之 天寶中隴右節度皇甫惟明奏龍支縣入庫狄孝義

有生龍駒經九旬有九日身有鱗而不生毛臣就檢視時有慶
雲五色遙覆馬上久而不散請付史官**九花虬** 代宗命御馬
九花虬并紫玉鞭轡以賜郭子儀固讓久之上曰此馬高大稱
卿儀質不必讓也子儀身長六尺八寸九花虬額高九寸毛拳
如鱗頭頸鬃鬣真虬龍也每一嘶則群馬聳耳以身被九花文
號**九花虬****二絕** 德宗有二馬一號神智駘一號如意驢皆耳
中有毛引之可長一八而進退緩急皆如上意故以是名之謂
之二絕**碧雲霞** 宋太宗御廐一馬號碧雲霞圍人飼秣稍跛
倚失恭則蹄齧乳噴怒不可解從征太原上下坂岡其平如砥
下則伸前而屈後登高則反之太宗甚愛上尊餘瀝時或令飲

嘶鳴喜躍后聞晏駕悲悴骨立真宗遣從皇輦于熙陵數日遂
斃詔以弊幃埋于桃花犬之傍**玉道遙** 仁宗御馬名玉道遙
色白乘之如輿輦圍人云馬行步有尺度疾徐皆中節御者行
速則以足攔之一日燕王借乘即長鳴不行王怒還之帝以配
南城馬鋪久之復御其行如初帝升遐從葬至陵下悲鳴不食
而死**黑大虫** 畢再遇宛州將家也開禧中用兵累有功金虜
認其旗幟即避之始居於雲有戰馬號黑大虫再遇既死其家
以鐵絙羈之園中適遇獄司迎神聞金鼓聲意謂赴敵於是長
嘶奮迅斷絙而出其家慮傷人命健卒十餘挽之而歸因好言
戒之云將軍已死汝莫生事累我家馬聳耳以聽汪然出涕暗

啞長鳴數聲而斃青獅子 妣興嘗畜一馬名青獅子每親飼之若通其言語時取斗酒投大盆中與馬同飲曰吾與汝同力報國紹興辛巳之冬逢亮來冠尉子橋之戰大將王權先遁興以所部四百騎敵虜十餘戰權不救遂與馬同没于陣鐵象張浚送曲端于恭州獄端有馬名鉄象日馳四百里至是又呼鉄象可惜者數聲乃赴速死義駒 九江王成者於淮上得病諭養之後亦惟成得乘也嘉定間成爲峒寇李元礪所殺馬悲鳴死側爲元礪弟所得後乘之犯永新柵我軍出迎諭識旗幟亟馳賊大呼勒挽擊以鉄槩膊爲盡傷諭下復顧冒陣以入遂執之以徇于軍軍士鼓譟爭奮遂敗之居二日諭不秣而死

史青海驄

吐谷渾有青海周回八九百里中有小山至冬放牝馬於其上生駒號龍種嘗得波斯馬放於海中因生驄駒日行千里故代稱青海驄馬小步 烏托國出小步馬孟康曰種小能步也師古曰小細也細步言其能蹠足即今所謂百步千跡者也豈謂其小種乎乘駮 桓公乘馬虎望見而伏公問管仲仲曰意者君乘駮馬此駮象也駮食虎豹故虎疑焉 晉平公出田見乳虎伏而不動顧謂師曠曰聞霸王之君出猛獸伏而不敢起對曰鵲食捐捐食鷄鷄食駮駮食虎夫駮之狀似駮馬君駮駮馬以出乎公曰然塞翁失馬 塞上之人有善術馬無故亡而八胡人皆吊之其父曰此何詎不爲福乎居數

月其馬將胡駿馬而歸馬言衛后園有送葬時乘輿馬十四
隸卒養視善飲不能乘而馬皆六十歲乃死新論韓子治嘗以
地黃甘草哺五十歲老馬又生三駒又百三十歲乃死抱朴
州刺史張訥之一白馬其色如練父雄為數州刺史常乘雄薨
子敬之為考功郎中改壽州刺史又乘此馬敬之薨弟訥從給
事中改德州刺史入為國子祭酒出為常州刺史至今猶在計
八十餘極肥健識馬者廣漢陽翁偉能聽鳥與之音乘蹇馬
田間有放馬者相去數里鳴聲相聞翁偉語其御曰彼放馬目
眇其御曰何以知之曰馬此轅中馬曰蹇馬蹇馬亦罵之曰眇
馬御者不信使往視之馬目果眇論衡李南乘赤馬行道逢他

人乘白馬者白馬先鳴而南赤馬鳴應之南謂從者曰彼馬言
汝今當見一黃馬左目盲者是吾子可為告使駛行相及從者
不信行二里所果逢黃馬而左目盲南之馬先鳴而盲馬應之
問其主果向白馬子也抱朴馬穴山中有一道漢時嘗有數
百疋馬出其中今名馬穴人于此得馬頓宿遂名騎亭馬形皆
小似巴滇馬三國時陸遜攻襄陽又值此穴中有數十疋馬出
遜載還廷業蜀使來有五部兵家滇池者識其馬色云是已亡
父所乘對之流涕讓陽夷陵縣北三十里有石穴名曰馬穿常
有白馬出穴食人逐之入穴潛行出漢中漢中人失馬亦常出
此穴相去數千里水經水經神仙傳章震號王子能以泥作

馬日行千里

金

三武子被責移第北邙下好馬射買地作

埽編錢匝地竟埽

時人號曰金溝

世說

知勝

侯景所乘白

馬每戰將勝輒躑躅嘶鳴氣意俊逸其有奔劬必低頭不前及

石頭之後精神沮喪卧不肯動景使左右拜請或加籌策終不

肯進

南史

畏

權會為國子博士武平末自府還第在路無

故馬倒遂不得語曰暴亡會生平畏馬位望既至不得不乘果

以此終

罪

明皇時靈昌郡得異馬於河其狀滄鱗虺尾拳

毛環目肉鬣居帝開二十年遇禍亂帝西幸馬至咸陽西入渭

水化為龍不知所終

驚

唐郎中張元一以唐波若姨

短自為鬱屈蜀馬

馬息爭

江夢孫知天長縣民爭馬二年

不決馬係於官亭孫曰管仲以老馬識路玉牝馬歸其故第遂

縱馬郊外馬果奔入主家訟遂息

看

長安俠少每到春

時結朋聯黨各置矮馬飾以錦鞵金鞍並轡於花樹下往來使

僕從執酒皿而隨之遇好園則駐馬而飲

果

出果下馬漢時恒獻之高三尺乘於果樹下行

相馬

寧王方

集賓客弔馬牙人麴神奴詣呈二馬王曰其價幾何牙人先指

曰此一千緡次指曰此五百緡寧王欣然如言付錢賓客莫測

其價之懸殊王乃顧千緡者曰此馬緩惡百返蹄下不起

復顧五百緡者曰此馬往來十過足下頗生塵埃坐客乃服

魏朱建平善相馬文帝出左右將馬過平曰此馬相今日死及

帝乘馬馬惡帝衣香齒帝膝帝怒殺之 伯樂令其子執馬經
 畫樣以求馬經年無有似者歸以告父更令求之出見大蝦蟆
 謂父曰得一馬略與相同而不能具伯樂曰何也對曰其馬陰
 顛跌目眷郁縮但蹄不如累越耳伯樂曰此馬好跳躑不堪御
 也子笑乃止 **木馬** 後魏段暉有一童子從暉請馬暉戲作木
 馬與之童子大悅曰吾太山府君奉教游學今將歸子後封侯
 言終乘馬騰空而去 諸葛亮作木牛流馬即今車之獨推者
竊獻驢驢 唐成公如楚有兩匹驢驢馬楚子常欲之不與三
 年止之唐人竊馬而獻子常曰君以弄馬之故隱君身也 **書馬**
驚恐 石建為太僕奏事下讀之驚恐曰書馬者與尾而五今

乃四譴死矣石慶為太僕柳出上問車中幾馬慶舉策數馬畢
 對曰六馬 **銅馬** 馬接於交趾鑄銅馬奏曰臣接師事揚子阿
 孝武帝時善相馬者東京門鑄你銅馬法獻之立馬於魯班門
 外更名曰金馬門臣既備數家骨法以所得駱越銅鑄以為馬
 高二尺五寸圍四尺五寸謹獻詔置馬德陽殿下 **不受羗馬**
 張奐字然明為安定屬國都尉羗蒲上奐馬二十四奐召主
 簿張祁入於羗前以酒酌地曰使馬如羊不以入廐使金如粟
 不得入懷盡還不受 **張倫將軍** 齊太祖乘常所騎赤馬入殿
 及踐祚號此馬為龍驤將軍 清異錄王昶傾金錢市名馬五
 匹各有位號曰金鞍使者千里將軍致遠侯渥洼公驥國公 **四**

足仙人

清異錄魯人東野賓王道吳至肝胎村店使僕夫糶

米拾薪俱未來而馬已脫鞍解絡飽于芳草矣賓王羨嘆曰綠

耳公爾為四足仙人我是兩脚餓鬼盜還馬後孔嵩盜竊其

馬後自責曰孔仲山善士豈宜侵盜還馬謝之馬贖華元宋

人以兵車百乘文馬百駟以贖華元于鄭半入華元逃歸說

驢馬伯氏佐戎于朔陸獲良馬以遺子子不知其良也抹之

搯糝飲之汚池厩楹也上痺而下蒸羈絡也綴索而續羣其易

之如此予方病且窶求活于肆肆之駟亦不知其良也評其價

六十緡將劑矣有裴氏子覩其二以求之謂善價也卒與裴氏

裴氏所李生雅挾相附於馬也尤工觀之周禮貽然視聽然笑

既而并隨之且曰久矣吾之不觀於是也何柔心勁骨奇精妍

態宛如錯如擘如翔如之備耶今夫馬之德也全矣然顧其為

駒截銳于內且秣之希方是用不說於常日須其齒備而氣振

則衆羨灼見上可以獻帝閑次可以鬻千金裘也聞言竦焉遂

傲其僕獨其自僅其惡壓其使權以羨薦秣以薌粒起之居之

澡之拒音震之無分陰之怠斯以馬養馬之至分也居無何果

以驥德聞客有嗜予以喪其寶且譏其所貨也微子洒然曰始

予有是馬也予常馬畜之今予鬻是馬也彼寶馬畜之寶與常

在所遇耳且夫昔之翹陸也謂將蹄將鬮抵以槌策不知其筋

雲也昔之噓吸也謂為疝為瘵投以藥石不知其噴玉也夫如

是則雖曠日歷月將至頓踣曾何寶之有焉繇是而言方之於士則八十其縉也不猶愈於五穀乎客謬而竦予遂言曰馬之德也存乎形者也可以自取然猶違之若此矧德蘊於心者乎斯從古之歎乎不敢歎

類苑叢寶卷之四十三

類苑叢寶卷之四十四

鳥獸門

牛

說文物萬物也牛為大物天地之數起於牽牛也律書牛者冒也地雖凍能冒而生也世本駮作服牛駮

黃帝臣也又曰少昊時人始駕牛山海經稷之孫曰叔均是始作牛耕始用牛犂也禮記祭宗廟之禮牛曰一元大武祭天地之牛角重粟宗廟之牛角握賓客之牛角尺又曰帝牛不吉以為稷牛帝牛必在滌三月稷牛唯具又曰天子以犧牛諸侯以肥牛大夫以索牛牛土畜也馬火畜也土緩而和火健而燥故易乾為馬坤為牛周書文王召太子發曰童牛不服

童馬不馳是謂大仁 述異記周成王時東夷送六角牛 玄
中記萬歲樹精為青牛 周禮牛宜稌注云牛土畜稌土穀故
牛宜稌也 管子曰九聽宮如牛鳴窳中牛舍宮聲抑子以為
黃鐘在脰也蓋牛之鳴曰牟馳之鳴曰圖 本草牛有黃者皮
毛光潤眼如血色時復鳴吼又好照水人以盆水承之伺其將
吐出乃喝迫即墮落黃如雞子大重疊可拆軀虛而芬香佳若
殺死在角中得者名角黃心中得者名心黃肝膽中得名肝黃
飯牛 賓戚飯牛卑下扣角而商歌曰南山梁白石爛生不逢
堯與舜禪短布單衣纔至鼯長夜漫漫何時旦齊桓公聞之舉
以為相 百里奚魯陰不入於心故飯牛而牛肥 **百獲** 宋人

有好行義者三世不懈家無故而黑牛生白犢以問孔子孔子
曰此吉祥也以享上帝居一年其父無故而盲牛復生白犢居
一年其子又盲其後楚攻宋圍其城民易子而食之折骸而放
之丁壯皆棄城戰死者大半此人父子有疾皆免 **射牛** 賈堅
彎弓三石餘烈祖以堅善射故親誡之乃取一牛置百步上召
堅射曰能中之乎堅曰少壯之時能令不中今已年老不能中
之恪大笑射發一矢拂脊再一矢磨腹皆附膚落毛上下如一
恪曰能復中乎堅曰所貴者以不中為奇中之何難一發中之
觀者咸服其妙 **認牛** 劉寬嘗行有人失牛者乃於路就
寬車中認之寬無所言下駕步歸有頃認者得牛而送還叩頭

慙謝寬曰幸勞見歸何為謝也**非木牛** 管寧鄰有牛犯寧禾

者寧牽着涼處自飲食還牛主其主大慙**贖牛作父** 王愷之

有片名八百里駁常塗其蹄角王武子與射賭得趣左右探心

作多一啖而去**盜牛不問** 晉周訪鄉人盜訪牛於家間殺之

訪得密埋其肉不使人知 郭舒雅行鄉人盜殺舒牛事覺業

謝舒曰君饑所以食牛餘肉可共啖之世人皆伏**餉牛不食**

梁傅昭性篤謹子婦家餉牛肉以進昭昭召其子曰食之斯犯

也言之則不可取而埋之不負閭室如此**贖回病牛** 後周五

信家貧唯有一老牛其兄子賣以供薪米契券託信適從外來

方知其賣因告買者曰此牛先來有病小用便發君不須也杖

其兄子買者嗟異苦請不得**失牛訟** 張允濟為武陽令元武

民以犍牛依婦家墜十餘犢婦家不與訴縣不能決乃詣允濟

允濟縛民蒙其首過婦家云捕盜牛者盡出民家牛質所來婦

家曰此婿家牛我無與即撤蒙曰可以此還婿婦家服**罪牛角**

推書 李密聞包愷在緱山往役之以蒲薦乘牛挂漢書角上

讀之楊素見而奇之**戴大牛** 貞元中海鹽縣有戴文者家富

姓貧病死鄰人家牛生一黑犢脇下白毛成字曰戴文文子恥

之乃求謝馮以物慰去其毛鄰人從之文子以牛身無驗乃訟

鄰人妄稱牛犢有字追至官則白毛依然復出但呼戴文牛則

應聲而至**珥特屨** 甯茵假宿大僚莊南山下月夜有叩閤

稱桃林斑特處士南山斑寅將軍來謁茵為置酒及明視門外
唯牛蹄虎跡而已**黑牡丹** 唐末劉訓者京師富人京師春遊
以觀牡丹為勝嘗訓邀客賞花乃繫水牛數百在前指曰此劉
氏黑牡丹也盜嘗牛舌 包拯知天長縣有詐盜割舌者公使
歸屠其牛鬻之既而有告私殺者公曰何為割某家牛舌而又
告之盜者驚服怒特祠 武都有怒特祠祠上生梓樹馬秦文
公使人伐之輒有大風兩樹創隨合經日不斷乃益發卒持斧
者三四十人猶不斷士疲還息其一人傷足不能行卧樹下聞
鬼語樹神曰勞乎汝戰其一人曰何足為勞又曰秦公必不休
如之何答曰秦公其知子何又曰秦若使人被髮以朱絲繞樹

赭衣及盆伐汝汝得不困耶神無言明日病人語聞公如其言
伐樹斷中有一青牛出走入豐水中其後牛出豐水中使騎擊
之不勝有騎墮地復上髮解牛畏之乃入水不敢出故秦自是
置旄頭騎神 **知牛鳴** 左傳介葛盧來朝聞牛鳴曰是生三
犧皆用之矣其音云問之而信知牛鳴 秦潛伐鄭及滑鄭
商人弦高曰師涉於弊邑敢犒從者且使遽告于鄭秦將孟明
曰鄭有備矣滅滑而還**千石牛** 昔越王建德伐吳得牛其大
千石以童男女三千人牽之既而入船俱墜于潭時聞有騾然
之聲往往有青牛與船俱見今名越王潭**谷牛津** 元封中大
秦獻牛善走多力使輦銅石起望仙宮迹在石上皆如花形故

陽關之外有花牛津

洞真記

書食牛

李少翁為帛書以飯牛

詳不知言曰此牛腹中有奇殺視得書書言甚怪天子識其手

書問其人果是偽書於是誅文成隱之

金牛

漢武時長沙有

一田父率赤牛告漁父欲渡江漁人云船小豈勝得牛田父曰

但相容不重君船於是人牛俱上及半江牛糞於船田父曰以

此相贈既渡漁人怒其汚船以撻撥糞弃水欲盡方覺是金訝

其神異乃躡之但見人牛入嶺隨而掘之莫能及也

湘中

銀牛

漢建武二十一年有人騎白牛蹊入田田父訶詰之乃曰吾北

海使將着天子登封遂乘牛上山田父尋至山惟見牛跡遺糞

皆為銀明年世祖封禪

研青牛

漢桓帝出遊河上忽有一青

牛從河中出走踴帝人皆驚走太尉何公時為殿中將軍有勇

力走逆牛牛見公走還河公以手挽牛左足右手持斧碎牛頭

而殺之此青牛者萬年之木精也

駢蹄

魏文帝迎羨人薛靈

芸駕青色駢蹄之牛日行三百里此牛尸塗國所獻足如馬蹄

也野牛

杜預奏曰臣前在南開魏興西北山有野牛野羊牛

之大者二千斤羊之大者千數百斤試令求之各得一枚并頭

角蹄案其形不與中國牛羊相似然亦是野獸中所希有

牛

苟晞為兗州鎮去京師五百里有貢晞珍異食者欲貽都

邑親貴寡有牛能日行數百里者有人進一牛日行千里晞乃

書疏發遣日中到京師取答書一更還至晞以其駿快筋骨必

將有異遂殺而觀之亦無靈異唯見雙筋如小竹大自頭挾脊相牛經云陰虹屬頸千里陰虹者雙筋也王愷之牛亦有陰虹

偏駮 石崇牛形狀氣力不勝王愷牛而與愷出遊極晚發爭入洛城崇牛數十步後迅若飛禽愷牛絕走不能及乃密貨崇馭人問牛所以駛馭人云牛本不遲由將車人不及制之爾急時聽偏駮則駛矣愷從之遂爭長石崇後聞殺告者**景牙牛**

桓公登平乘樓嘆神州陸沉袁虎率爾對曰運有廢興豈必諸人之過桓公作色曰劉景升有大牛重千斤噉芻豈十倍於常牛負重致遠豈不若一羸特魏武入荊州烹以饗士卒于時莫不稱快意以况表四坐既駭表亦失色**牛拜公命** 桓冲鎮江

陵正會當烹牛牛忽熟視帳下督都目中淚下督都曰汝若向我跪者當啓活也牛應聲而拜人皆異之督都復謂曰汝若須活遍拜衆人牛涕隕如雨遂遍拜值冲醉不得啓遂殺牛冲聞大怒督都痛加鞭罰**義牛** 元嘉中益州刺史吉翰遷南徐州先於蜀中載一青牛下常自乘恒於目前養視翰構疾多日牛亦不肯食及亡牛流涕滂沱吉氏喪未還都先遣驅牛向宅牛不肯行人知其異即待喪喪既下船便隨去**角容一石** 元魏桓帝馬不能勝常乘安車駕大牛角容一石**竹牛** 臨洮之境有小民曰仲小小衆號仲野牛平生以採獵為務臨洮以西至千疊岩潘岷之境多產竹牛其色綠黑其巨一敵六七駱馳肉

重千萬斤其角二壯夫可勝其一每斂斂之處則拱木藁竹踐之成塵獵人先縱犬逐之俟其奔迸則毒其矢伺便射之乾靈中小小之獵遇群牛於石塚山啖犬逐之其牛驚擾奔一深谷谷盡南抵一懸崖大逐既急牛相排感居其首者失脚墮崖居次者不知其偶隨累累接跡而進三十六頭皆斃于崖下積肉不知紀極秦成階三州六比荷擔之不盡玉堂閑話**角乘**梧州出獨峯牛土人乘騎如馬謂之角乘**稍割牛**天竺波羅奈國有稍割牛黑色角細長可四尺許十日一割或不至十日一割便困病或致死人服其血皆壽五百歲**日及牛**大月支及西胡有牛名日及牛以今日割取其肉三四斤明日其肉已復瘡亦

愈中越越舊國有牛稍割取肉經日必復生博物志**糖牛**九真有

糖牛形如牛而大頭白身黑角長二丈堪為酒器**載物**扶桑

國有牛角甚長以角載物至勝二十斛**石牛**秦惠王欲伐蜀

刻五石牛置金其後蜀人以為牛便金使五丁力士拖牛成道

秦隨伐蜀洛陽記石虎時和城石牛夜鳴聲聞三十里虎使

人打失牛耳及尾以鉄丁釘四脚**鐵牛**陝州有鉄牛廟牛頭

在河南尾在河北禹以鎮河患**墨牛**王獻之書扇墨誤落因

畫作鳥駸犝牛甚妙**火牛**田單事**解牛**屠牛坦解十二牛

叔殺牛隋牛弘弟弼醉射殺弘駕車牛弘還妻曰叔射殺牛

弘曰作脯顏色自若**盜牛守劍**王烈義行稱鄉里有盜牛者

主得之盜曰刑戮是甘乞不使王彥方知也烈聞之遺布一端
後有遺劍於路一人守之烈使推求乃盜牛者**喘月牛** 滿奮
坐晉武琉璃屏有寒色曰臣猶具牛見月而喘**變相牛** 牧牛
序云予嘗畫五牛其一盡體純白喻真性無染其二首漸黑喻
迷真起妄其三體純黑喻宿業嬰纏其四首漸白喻背妄歸真
其五又純白喻復本還源**露地白牛** 大安和尚曰安在為山
三十年看一頭水牯牛落路入草便率出犯人苗稼即鞭撻調
伏既久受人言語如今變作個露地白牛常在目前趕亦不去

大安曰欲求識佛何者為先百丈曰大似騎牛覓牛**問牛**

丙吉事**畫國牛** 陶弘景事**格餌** 天成長興中以牛者耕之

本殺禁甚嚴有盜屠私販不敢顯其名宛稱曰格餌亦猶李甘
家號甘子為金輪截揚虞卿號魚為水花羊陸象僊家號象為
鉞公子李栖筠家號竹為獨笋石虎時號為黃猛朱全忠時號
鍾為天聖銅俱以避諱故也 北虜呼牛為古梅亦曰不花

牛 詹何坐弟子侍有牛鳴于門外弟子曰黑牛也而白
在其蹄詹何曰然視之而信韓子 **不喜殺牛** 陽翟有田老者

不喜殺牛見村舍懸列死牛頭脚告妻子曰天下人所喫用皆
從此黃毛葶薩身上發生臨了殺倒却有天在 **牛** 齊
有一奉朝請家甚豪侈非手殺牛噉之不羨年三十許病篤大
見牛來舉體如被刀刺叫呼而終 **額** 有人為望蔡縣令民將

牛酒作禮縣令以牛繫柱牛解徑來至階而拜縣令大笑命左右宰之飲噉醉飽使卧簷下稍醒而覺體痒爬搔隱疹因爾成癩十許年死顏氏家訓好食牛頭有士人平生好食燒牛頭一日忽夢其物故拘至地府酆都獄有牛首阿旁其人亦無畏憚仍以手撫阿旁言云只這頭子大堪燒阿旁笑而放回執牛耳地雅牛耳無竅以鼻聽也盟者聽于神故執牛耳而正以不聽為戒周書異物志周留者水牛也蒼毛豕身角若搭矛樹護其犢與虎為讎抱朴子曰鴈啣蘆以捍網牛結陣以却虎擊雉兔則鸞鳳不及鷹鷄引耕犁則龍棋不逮雙特郭叔丁櫟桓譚新論夫畜生賤也然有尤善者皆見記識故馬稱驊騮驥

騾牛舉郭叔丁櫟

羊

說文羊祥也象四足角尾之形孔子曰牛羊之字以形舉禮記凡祭宗廟之禮羊曰柔毛周書子夏曰桀德衰美

羊在牧春秋繁露凡贊卿用羔羔有角而不用如好仁者執之不鳴殺之不謗類死義者羔飲其母必跪類知禮者羊之為言猶祥故以為贊羊一名髯鬚主簿玄中記千歲之樹精化為青羊瑞應岳鍾律和調五聲當節則玉羊見春秋說題辭羊者詳也詳以改也合三為生以養士也故羊高三尺周成王時人獻四角羊十羊九牧使羊將狼驅羊攻虎以牛易羊大夫無故不殺羊羝羊觸藩羴羊羴首

出童殺 埤雅羊性善群每成群則以一雄為主舉群聽之今俗所謂壓群是也北人謂之羊頭羊性前逆牛性前順故羊宜驅而牛宜牽羊性畏露晚出而早歸古今注一名長鬣去薄一名胡鬣郎 羊無睛而能視死不瞑目 周禮羊宜黍羊火畜黍火穀故宜 候鯖錄羊入群相觸火燒其尾則定

禮存羊

子貢欲去告朔之餼羊子曰爾愛其羊我愛其禮

籍羊

魯桓子穿井獲如土缶其中有羊焉使問仲尼曰吾穿井得羊也對曰丘聞之土之怪籍羊也

惠王言治天下如運諸掌王曰先生有一妻一妾而不能治三

童子牧羊

楊朱見梁

割之園而不能耘言治天下何也曰君見夫牧羊者乎百羊為

群使五尺童子荷蕪而隨之欲東而東欲西而西使堯牽一羊

舜荷蕪而隨則不能前也

滅穀二羊

滅與穀二人相與牧羊

而俱亡其羊問滅其事則挾策讀書問穀其事則博塞以遊二

人事業不同其亡羊均也

羊多歧

揚子之隣人亡羊

既率其黨又請揚子之豎追之揚子曰噫亡一羊何追者之衆

隣人曰多歧既反問獲羊乎曰亡之矣曰奚亡之曰路歧之中

又有歧焉吾不知所之所以反也

肉袒牽羊

楚子圍鄭鄭伯

肉袒牽羊以逆

殺羊食土

宋華元殺羊食土其御羊斟不與

及戰日疇昔之羊子為政今日之事我為政與入鄭師故敗

舌為六

昔有攘羊者以羊遺晉叔向向母埋之不食後三年

攘羊事發遣捕向家檢羊肉骨都盡惟有舌在國人異之遂以
羊舌為氏隱於屠肆屠羊說楚人隱於屠肆昭王失國說往
從王王反國欲將賞說說曰大王失國說屠羊大王反國說亦
屠羊臣之爵祿已復矣又何賞之有王使司馬子綦延之以三
珪之位說曰願長反屠羊之肆耳遂不受高士鬼化向羊南
陽宗定伯年少時夜行逢鬼鬼問伯為誰曰我亦鬼也遂為侶
問鬼曰鬼何畏曰鬼唯不喜唾耳便擔鬼著頭上徑至市中下
着地化為一羊唾之恐其變化賣之得錢千五百買者將還繫
之明日見繩在時人語曰宗定伯賣鬼得錢下式牧羊上式
有少弟出分獨取畜皇百餘田宅財物盡與弟或八山牧羊歲

餘羊千餘上曰吾有羊在山林中乃拜式為郎布衣草躡而牧
歲餘羊肥息上見其羊群問之式曰非獨羊也治民亦猶是也
惡者輒去無令敗群上以式為奇拜緱氏令牧羊學書路温
舒父為里監門使温舒牧羊温舒取澤中蒲截以為牒編用寫
書百慈化羊後漢左慈字元放曹操嘗出近郊從者百許人
慈為齋酒一升脯一斤手自斟酌百官醉飽操怪之使行視諸
壚悉亡其酒脯操懷不喜欲回坐殺之慈卻入壁中霍然不知
所在或見於市又捕之市人皆變形與慈同莫知誰是後人逢
慈於陽城山頭因復逐之遂走入羊群操知不可得令就羊中
告之曰不復相殺本試君術耳忽一老羝屈前膝人立言曰遠

如許即競往赴之群羊數百皆變為羝並屈膝人立言曰遽如許遂莫知所取初平牧羊皇初平生十五家使牧羊有道士見其良謹便將至金華山石室中四十餘年忽然不復念家其兄初起行索初平歷年不得後見市中有道士乃問之道士曰金華山中有牧羊兒姓皇字初平兄乃隨道士與初平相見語事問羊何在曰在山東兄往視但見白石不見羊初平曰羊在耳兄自不見初平乃往叱羊羊起於是白石皆起成羊數萬頭牧羊讀書王象少孤為人僕隸年十七八牧羊而私讀書因獲接楚同郡楊浚後羨其才質即贖象婚娶立屋然後與別象官至散騎常侍王育字伯春京兆人也少孤貧為人傭牧羊

每過小學必歔歔流涕時有暇即折蒲學書忘而失羊為羊主所責育將鬻已以償之同郡郭子章聞而嘉之代育償羊給其衣食使與子同學遂博通經史子章以兄之子妻之兩羊非羊柳毅遇洞庭女牧羊曰吾不知子之牧羊何所用哉神祇豈幸殺乎女曰非羊也兩工也何謂兩工曰雷霆之類也毅復視之則皆矯顧拳步飲齧甚異而大小毛角則與羊無別焉不飲羊孫卿子曰魯販羊者曰沈猶氏朝飲其羊以詐市人孔子為魯司寇不敢飲羊不飲羊墨子曰齊莊公之臣王國卑與中里擻者訟三年而獄不斷恐失有罪乃使二人共一羊盟齊之杜二子相從以羊血灑杜讀王國卑之詞已盡擻之詞未

半祭羊起而觸中里檄齊人以為神蒙羊敗敵李茂貞傳三

處存以輕兵三千蒙羊皮夜布之野朱全忠軍望為群羊爭趨

之遂致敗拜鄰未羊宋陵子三仕不願文侯曰何貧乎曰王

見楚富者乎牧羊九十九而願百其鄰人負者有一羊拜之曰

吾羊九十九今君之一盈成我百則牧數足矣貧者與之從此

觀焉富者非富貧非貧也符子白羊淵吳房堂溪有白羊淵

淵水舊出山羊漢武元封二年有白羊出此淵畜牧者禱祀之

初出一羊婦人大驚拍手羊自此絕焉今俗生羊禁婦人拍手

是效古也水經買德羊桓彝亡後子冲兄弟並少家貧母患

須羊以解無由得之温乃以冲為質羊主甚富言不欲為質幸

為養買德郎買德郎冲小字也及冲為江州出射羊主于堂邊

看冲識之曰我買德也遂取報之群羊自魚石虎嘗書寢夢

見群羊負魚從東北來寤以訪浮圖澄澄曰不祥也鮮卑其有

中原乎病作羊湯顧甯者其之豪士送客於昇平亭時有一

沙門在坐主當欲殺羊羊絕斷走入道人袈裟下道人不能救

既行矣主人先割以啖道人道人食炙下喉炙便自走行道入

皮中痛毒不可忍呼醫來針之以數針貫之炙猶動搖乃破出

之故是一臠肉耳道人於是得病作羊鳴吐沫還寺少時便死

搜神王克為永嘉郡守有人餉羊集賓欲讌而羊繩解棄投一

客先跪兩拜便入衣中此客竟不言之因無救請須臾羊為

爰先行至客一齋入口便下皮內周行遍體痛楚號叫方復就
之遂作羊鳴而死類賦**陽城羊**加藍記云京兆許超夢盜羊
入獄問於楊元慎曰君當得陽城令其後有功封陽城侯

青衣女乞命隋大業中長安趙文若嘗曰使暫謁一驛廳上夢

一青衣婦女乞命甚急文若驚寤問之乃驛長將殺青牒羊相
待也即贖放之**好食羊頭**開元末有人好食羊頭者嘗晨出

有怪在門焉羊頭人身衣冠甚偉告其人曰吾未神也其屬在
羊吾以汝好食羊頭故來告汝較食則已若不爾吾將殺汝其

人大懼遂不復食馳**當食萬羊**唐相國李德裕為太子少保

分司東都嘗召一僧問已之休咎僧曰公災當萬里南去白南

去遂不還年僧曰當還耳公訊其事對曰相國平生當食萬羊
今食九千五百矣所以當還者未盡五百羊耳公歎曰吾師果
至人哉為丞相張公從事於此都嘗夢行晉山見白上皆羊牧
羊者十數迎拜曰此侍御平生所食羊吾嘗識此夢今果如師
之說後旬日振武節度使來暨遣使饋四百羊公大驚即召告
僧嘆曰萬羊將滿公其不還矣公曰不食可免耶曰羊已為相
國所有公戚然旬日貶潮州連貶崖州後於荒裔宣室邠公杜
悰福壽以倫日食五餐一食之費皆至萬錢西京李客見人牧
羊遍滿山谷不知幾千萬口詰之自何而來云自鄆夏拱相公
食耳指顧之際轉首恍惚並無所視中**轉羊大駭**通黃載精

究經史肄業之士多從之諸生醞會市羊以備饋載夢一羊前
跪請命晨出見羊跪伏如所夢載以已饋償諸生而畜其羊又
畜一犬亦頗馴出入則羊犬聯隨謂之**土中羊** 拂林國有羊
羔生于土中其國人候其欲萌乃築垣以環之防外獸所食然
其臍連地割之絕則死惟人着甲走馬擊鼓駭之其羔驚鳴而
臍絕因逐水草以一一百口為群謂之**大尾羊** 月氏有羊尾
重十斤稍割以供食尋生如故異物志 **取脂羊** 大食勿斯離國
產胡羊高三尺餘其尾如扇每歲剪取脂二十餘斤再縫
合仍生不取則脹死人化為羊 萬壽年中長安百姓李審言
遇群羊走入其內為一大羊於眾中不能辨認家人以而擇之

羊自語曰我為羊快樂人何以比遂將歸飼養以終夫年**黃羊**
祠 搜神記宣帝時陰子方者至孝有二息嘗臘日晨炊而
竈神形見子方再拜受慶家有黃羊因以祠之自是無至巨富
子方常言我子孫必將強大至識三世而遂繁昌故後常至臘
日祠竈而薦黃羊焉謂之**羊珠** 幽明錄洛下有洞穴不測有
一婦欲殺夫推下至底乃得一穴匍匐行數十里漸見明曠野
郭宮館金寶為飾明踰三光人皆長三丈被羽衣如此九處至
最後所飢長人指中庭大栢樹近百圍下有一羊令跪持羊髯
捋之得一珠長人取之次亦取後令噉齋飢乃問詣九處名及
求佳答云君不得停還問張華當知乃復行出交州還洛問華

續通志卷之四十五 十五

華曰九處地仙名九館大羊為癩龍初一珠食之與天地等壽
次者延年後者充飢而已

狗

說文狗叩也叩氣吠以守也獨短喙犬也獠犬吠不止
也獠犬如人心可使也狝健犬也狝赤犬也狝小狝也

尾犬多毛也 宇林獠韓良犬也從宋良犬也狝逐虎犬也

纂文守犬為獠隴西以犬為獠獠皆多毛犬也狝獠也狝屈
尾犬也 廣雅狗有懸蹄短尾之號殷犀晉獠並犬名也 爾

雅長喙獠短喙獨獠豎絕有力狝四尺為獠 春秋考異狗三

月而生陽主於三故狗各高三尺 禮記元祭祀犬曰羴羴

士無故不殺犬尊客之前不叱狗毋投與狗骨 史記逐虜之

犬不顧兒 潛夫論一犬吠形百犬吠聲 雜俎狗射之翼射

遇狗輒跪如拜狀 爾雅狗善猜警非禮相陵則警吠 清異

錄狗曰守門使 西京雜記楊萬年有獵狗名青骸直百金又

茂陵少年李亭好馳逐鷹犬皆有佳名狗則有脩毫尾睫白望

青曹之號 風土記犬則青鷗白雀龍虎子馴良捷警難狎

易使也 周書成王時渠搜國獻駒犬駒犬者露犬也能飛食

虎豹 杜光庭犬名吠雲可行萬里 程代遺書犬吠屠人世

傳有物隨之非也此正如海上鷗爾

紫狗

紫狗者高辛氏宮中老婦人有耳疾醫者挑治之

有物大如繭以紫盛之以紫覆之有頃化為犬其文五色目名

槃瓠有犬戎之冠帝患其侵暴募天下有能得犬戎之將吳將軍者賜黃金千鎰邑萬家又妻以少女下令之後槃瓠俄銜一頭乃吳將軍首也帝大喜且謂槃瓠不可妻之以女議欲報之而未知所宜女以為不可違信因請行槃瓠得女負而走入南山石室中經三年生六男六女槃瓠死後因自相夫妻其母後歸以扶白帝於是迎致諸子衣裳爛斑言語侏僂好入山壑常順其意賜以名山廣澤其後滋蔓號曰蠻夷今長沙武陵等處是也 武溪山高可萬仞有槃瓠石窟可容數萬人窟中有石似狗形蠻俗相傳即槃瓠也 每歲七月二十五日種頰四集環宿其旁凡五日祠以牛彘酒鮓椎歌歡飲惟不用犬

徐國官人 姓娘而產卵以為不祥棄於水邊孤獨老母有犬名鵠倉獵於水濱得所棄卵啣以來歸獨母以為異覆煖之遂蟬蛻成小兒生時正偃故以為名徐君官中聞之乃更收養長而仁智襲徐君國鵠倉臨死更生角而九尾實黃龍也偃王葬之令名狗壠歌唯埋狗 仲尼畜狗死使子貢埋之曰吾聞敝帷不棄為埋狗也丘也貧無蓋於其封也亦與之席母使其首陷焉楊布打狗 楊朱之弟曰布衣素衣而出天雨解素衣衣黑衣而返其狗卻而吠之楊布怒將扑狗楊朱曰子無扑矣子亦猶是也嚮者使汝狗白而往黑而來豈能無怪哉尹文子 尹文子康衢長者字僅曰善搏字大曰善噬賓客不過其

門三年長者怪而問之以實對於是改之賓客復往命伯益圖

尸子齊有貧者命其狗為富命其子為樂方將祭狗入於室

叱之曰富出長子死哭之曰樂乎犬喻小人管仲將死謂桓

公曰有犬嗷嗷旦夕欲噬我猴而不使也君必去之言易牙豎

貂必為亂也嗷嗷猶人晉侯飲趙盾酒伏甲將攻之其右提

彌明知之遂扶以下公嗾夫葵焉明搏而殺之人逐瘵狗國

人逐瘵狗瘵狗入於華臣氏國人從之華臣懼遂奔陳左國狗

之瘵無不噬也同求犬不與秦伯有嚙犬弟鍼欲請之秦伯

不與鍼以百兩金易之又不聽因逐鍼而奪其爵初文種過范蠡之

范蠡之齊遺大夫種書曰狡兔死走狗烹初文種過范蠡之

門蠡字狗洞作狗吠文種曰狗當吠人蠡乃以我為人四車至

其門入內而拜拜為趙相劉子知人篇曰范蠡吠于室文種聞

而拜之東門索犬李斯出獄顧謂中子曰吾欲與若復牽黃

犬屠蒼鷹俱出上蔡東門逐狡兔豈可得乎指蹤獵狗漢高

帝曰為人逐獸者狗也指蹤示獸者人也蕭何功之人也說

苑客謂孟嘗君臣聞周氏之譽韓氏之虛天下疾狗也見兔而

指屬則無失兔矣望見而放狗也則累世不能得兔矣狗非不

能屬之者罪也黃耳傳書陸機好獵在吳家客獻狀犬名黃

耳機後仕洛戲語犬曰我家絕無書汝能馳往否犬搖尾作聲

應之機書成以竹筒繫之犬頭犬出驛路走向吳柱還繞半月

後犬死葬去機家二百步呼為黃耳家牧主人

晉太和中楊

生養狗甚愛之後生飲酒行大澤草中眠時野火起狗號喚生不覺狗走往水中還以身洒生左右火尋過去他日又隨空井中狗呻徹曉有人過怪之往視見生生日君出我當厚報人曰以此狗相與生日此狗曾活我於已死不得相與人曰若爾便不相出狗因下頭向井生知其意許之人乃出之繫狗而去後五日狗夜走歸神機神機編編作作奴會稽張然滯役在都經年不得還家有少婦適與奴私通然在都養一狗名烏龍後假歸奴與婦謀殺然及妻作飯未敢奴當戶倚張弓括箭拔刀然以盤中肉飯與狗狗不取惟注睛舐唇視奴然亦覺之奴催食轉急

然決計拍髀大喚曰烏龍狗應聲傷奴奴失刀伏倒地狗咋奴

頭然目取刀斬奴以婦付官殺之狗怪不訴桂陽太守汝南

韋叔堅少時為從事狗如人立行家人皆言當即殺之叔堅云

犬馬諭君子狗見人行效之何傷叔堅為郎還解冠榻上狗戴

而走家人驚愕復云誤觸冠冠纓挂著耳狗又於竈前畜火家

益怔營復云兒婦在田中狗助畜火幸可不煩鄰里此有何怪

遂不肯殺復數日狗自暴死卒無他異叔堅終享大位群狗競

走北齊徐之才與朝士出游遙望群犬競走諸人令目之

才應聲曰為是宋鵲為是韓盧為是逐李斯東走為負帝女南征

家犬吠主

梁徐勉為侍中時師方侵魏候驛填委勉祭軍書

動經數旬一還家群犬驚吠狗不夜吠岑熙為魏郡太守人

歌曰吠狗不驚足下生竈李栖筠為常州刺史里無吠犬

狗人國北狗國人身狗首長毛不衣手搏猛獸語為大嗥其

妻皆人能漢語生男為狗生女為人自相婚嫁穴居食生而妻

女人食熟嘗有中國人至其國其妻憐之使逃歸與其筋十餘

隻教其每走十餘里遺一筋狗夫追之見其家物必銜歸則不

能追矣志在虜塵呂氏春秋齊有善相狗者隣人藉之買鼠

狗暮年而得曰良狗也其鄰畜之數年不噉鼠以告相者曰此

志在虜塵家鹿不在鼠欲其鼠也則拮其後足遂取鼠

衣孫峻謀誅諸葛恪恪將見之是夜精爽擾動通夕不寐嚴

駕畢趣出犬引其衣恪令從者逐犬升車果及禍狗猛酒酸

宋有酤酒者斗概甚平遇客甚謹為酒甚美懸幟甚高然而酒

不售而酸怪其故問長者揚青青曰汝狗猛耶曰狗猛曰人畏

馬或令孺子懷錢挈壺往酤而狗迎齧之酒所以酸而不售夫

國亦有猛狗有道之士懷其術而欲以明萬乘之主大臣為猛

狗迎而齧之此人主所以蔽賢有道之士所以不用也狗良得

獸呂氏春秋曰齊有好獵者終日不得獸入則愧其友推其

所以不得獸狗惡故也欲得良狗則家貧家富則求良狗得狗

則數得獸矣非獨獵也百事皆然未視之狗說苑梁相死惠

子欲之梁渡河遽墮船船人救之曰子欲何之而遽曰梁無相

吾欲往相之船人曰子居船楫之間而溺無我則死矣何能相
梁惠子曰居廣艘長楫之間則我不如子至於安國家全社稷
子不比我子蒙蒙如未視之狗子耳 **殺狗黃狗** 荆文王得茹
黃之狗宛路之矰以畋雲夢三月不返得丹之姬期年不朝葆
申東細箭五十跪而加之王皆出而自沉於淵荆王乃殺茹黃
狗折矰放丹之姬 **供棺給祭** 齊景公走狗死命外供之棺
內給祭晏子諫公曰亦細物也特以與左右為笑耳晏子曰狐
老凍餒而死狗有祭餼寡不恤而死狗有棺行辟若此百姓聞
之必怨吾君諸侯聞之必輕吾國而乃以為細物君其圖之公
曰善趣庖治狗以會朝屬 **狗吠非主** 貂勃常惡田單於朝單

召而問之貂勃曰然跖之狗可使吠堯非貴跖而賤堯狗自吠
非其主者且公孫子賢而徐子不肖然而公孫子與徐子聞徐
子之狗攫公孫子之腓而噬之哉田單乃任貂勃於王 **後諷狗**
生角 文帝後五年齊雍城門外有狗生角京房易傳曰執政
失下將害之取妖狗生角君子苟免小人陷之厥妖狗生角 **狗**
與人聞 成帝河平元年長安君子石良劉音相與同居有如
人狀在其室中繫之為狗走出去後有數人被甲持弓弩至良
等格擊或死或傷皆狗也自二月至六月乃止其於洪範皆犬
禍也 **地復** 大興四年廬江瀟縣何旭家忽聞地中有犬子聲
掘之得一母犬青羶色疾甚羸瘦走入草中不知所在視其處

有二犬子一雄一雌哺而養之雌死雄活及長為犬善噬野獸
其後旭里中為蠻所沒晉志地中有犬名曰地狼地狼
靈帝熹平四年於西園美狗着進賢冠帶綬以為笑樂有一狗
突出走入司徒府門或見之者莫不驚怪 光和四年又於西
園美狗以配八 公孫淵將亡犬冠幘絳衣上臺犬
富春有乘君者養犬數年不吠孫文臺微時經此犬忽吠之乘
謂文臺曰君其異相乎及貴欲報乘無所好惟好張罾捕魚文
臺為作九里草以贈之文臺堅字也孫權時襄陽李信
純養一犬字曰黑龍一日飲酒大醉卧於草中太守鄭瓌出獵
見曰草深縱火燒之犬見火來口拽純衣純不動即奔往入水

濕身走來卧處遇獲免犬難大運水困之致斃於側俄尔信
純醒來見犬已死通身毛濕因慟哭聞於太守太守憫之即命
具棺槨衣金義大晉大興二年吳人華隆
養一快犬號曰的尾隆至江邊伐荻大蛇圍繞周身大便咋蛇
蛇死隆僵無所知犬彷徨涕泣走還船復反草中同伴怪之隨
往見隆惘然將歸家二日犬為不食隆復蘇乃食錄
元康中婁縣瑤懷家忽聞池中有犬聲視之得犬子雌雄各一
長老云此名屏犬得之者富搜神
中有庸嶺高數十里西北隙中有大蛇長七八丈六十餘圍東
治都尉及長史或夢巫覡欲得啖女童常八月祭送蛇穴蛇輒

吞之已用丸女時將樂縣李誕有小女名奇應募而行乃請好
劍吓蛇大作散餅餐蜜灌之置穴口蛇出頭大如困目如二尺
鏡先咬餐灌奇便放犬咋蛇以劍斫殺之得九女髑髏越王乃
聘奇為后黑情 搜神記王珣字孟理為東海蘭陵令夜
半時輒有黑幘白單衣吏詣縣扣閣迎之則忽然不見如此數
年於外伺之見一老狗黑頭白身至閣便為人殺之乃絕林慮

犬妖 搜神記林慮山下有亭每過宿者或病或常云有十許
人男女合雜衣或黑或白輒來為害有郵伯夷者過宿明燭而
坐誦經至中夜忽有十餘人來與伯夷並坐蒲博伯夷密以鏡
照之乃是群犬因執燭起陽謀燒其衣作燃毛氣伯夷

刀捉一人刺之遂死成大餘悉走去黃衣白帽 晉穆哀之世

蔡詠家狗夜輒群吠使人夜伺有一狗著黃衣白帽長五六尺
衆狗共吠之是詠家老黃狗即打殺之吠乃止天狗堡 三秦

記有白鹿原周平王時白鹿出此原原上有狗加堡秦襄公時
有天狗來下其上有賊天狗吠而護之故一堡無懼心衛晉者

窟 述異記宋元嘉中石玄度家有黃狗生白雄子母孕其子
異於常狗銜食食之于大其狗出獵未反輒門外望之後玄度

病輒危困醫為慶方湯須白狗肺市索卒不能得乃殺所養白
狗以湯供其用母向子死慶跳踊嗥呼倒復起竟日不息其家

者狗子肉共食之投骨於地母輒銜著窟中共年大 五代南

唐時汀州陳氏族七百口畜犬百餘共一牢而食一犬不至諸
犬不食松精犬一使者牽白犬野人問居何地曰居偃蓋山
隨至古松而歿松形果如偃蓋使者乃松精犬乃茯苓松精犬
昌邑王見白犬頸以下似人冠方山冠而無尾龍遂曰此天戒
言在側者盡冠狗也鬪狗吁子先壽百餘歲臨去時呼酒家
姬令治裝便有二仙人持二狗來子先持一與酒姬目各騎之
乃龍也上華陰山常呼云子仙酒母在此守屍狗安帝義
熙年譙縣崔仲文與會稽石和俱為劉撫軍吏仲文養一犬以
獵麋鹿無不得也和甚愛之乃以丁奴易之仲文不與和及仲
文入山獵至草中殺仲文欲取其犬犬齧和守其主尸爬地覆

之後諸軍出獵見犬守尸人識其主曰還恐劉撫軍石和至府
門犬便往牽衣號吠人復白撫軍曰此人必殺犬主曰錄之撫
軍拷問果得其實遂殺石和犬狀嘉興縣朱休之有一
弟宋元嘉中兄弟對坐家有一犬來向休之蹲遍視二人遂搖
頭而笑曰言我不能歌聽我歌梅花今年故復可奈汝明年何
其家驚懼斬犬榜首路側至來歲梅花時兄弟相鬪並被囚係
得免至夏舉家時疾兄弟皆死述異犬能言宋袁粲父子以
舉兵為齊所害有小兒數歲乳母將投繫所生狄靈慶靈慶遂
抱以首乳母號泣呼天曰公昔于汝有恩故冒難歸汝奈何欲
殺郎君天神有知我見汝滅門此兒死後靈慶常見兒騎犬斃

狗戲如平常經年餘忽見一狗走入其家遇靈慶噬殺之妻子併死于狗南史**白靈**陶弘景云裴真君好養白犬白雞犬名白

靈雞名白精可以辟邪**波斯狗**南陽王綽始十餘歲留中晉

陽愛波斯狗尉破胡諫之欬然斫殺數狗狼藉在地破胡驚走

不敢復言後在定州有婦人抱兒在路走避入草綽奪其兒飼

波斯狗婦人號哭綽怒又縱狗使食狗不食塗以兒血乃食焉

書齊高緯以波斯狗為赤虎儀同道遙郡君飼以梁肉食縣

邑常於馬上設蹬褥以抱之三國典畧**取節**北齊廣寧王孝珩嘗

畜一犬守外人不得越近孝珩每射令其取箭亦解呼召左右

孝衣而進唐書張彪敗後與妻楊氏去唯常養一犬名黃蒼

在彪前後未曾捨離乃還入若邪山中沈泰說陳文帝遣章昭

達領千兵重購之并圖其妻彪眠未覺黃蒼驚吠却來便嚙一

人中喉即死及彪被害黃蒼號叫彪屍側宛轉血中若有哀狀

彪喪既畢黃蒼又俯伏塚間號叫不肯離齊書張元性仁孝

幼時村陌有狗子為人所棄元收而養之叔父怒曰何用此為

將更棄之對曰有生之類莫不重其性命今為所棄而死非其

道也叔父感其言遂許焉未幾有狗母銜一死兔置元前而去

拂菻狗唐武德中高昌王文泰獻狗雄雌各一高六尺長尺

餘性甚慧能曳馬銜燭云本出拂菻國中國有拂菻狗自此始

也**狗作人言**宗楚客家畜一犬一日忽戴楚客冠人立楚客

怒曰畜類敢作妖僭越犯分即殺之犬作人言公亦作妖僭越犯分亦即見殺未幾韋氏敗楚客被斬以大脫禍神龍時唐休璟為相有僧謂曰公有大禍不遠然可以禳之公惧而問計僧曰可於卑冗官中有才幹者用為曹州因得張君為之僧曰張君赴部之時求二犬神駿者張到郡求得二犬高四尺獻之召僧視之僧曰極善育后旬日有二刺客為犬所嚙而斃宣室志開元末劉巨獐為廣府都督養一犬雄勁多力馴附異他巨獐嘗夜迎使犬忽遮護巨獐曰犬不使我行耶徘徊良久人自使近巨獐叱犬上馬犬亦隨之忽咋一從者喉中頃之死搜死者懷中得利匕首巨獐常鞭箠此僕修其怨欲報而犬遠知之是

以免難鄱陽人張朝為猛獸所搏噬其家犬名小狸救之獲免補傳宗朝宰相王鐸所愛卑脚犬曰花鴨有刺客匿于梁上為犬所覺而免魏元忠嘗呼蒼頭未應犬輒代呼之元忠曰此孝順狗也乃能代我勞犬亦能人裴度好為養犬食物餘者便和枕與犬食李申數諫犬見李諫乃盡食以目視李而去裴曰此犬人性必備於子李欲午寢犬蹲而向李李見之乃疑犬讎之犬出力後乃以巾拂安枕多排衣服以被覆之狀如人寢犬入戶謂李已睡乃跳上寢床當喉而嚙訖知謬下床憤跳號吠而死異魏魏花犬淳化中合州貢羅江犬甚小而性惠常馴擾于御榻之側犬宗不豫犬不食及上

類聚卷之四十四 三十一

仙犬號呼涕泗以至瘦瘠章聖即位左右引公前道鳴吠徘徊
意若不忍章雖令諭以奉陵即搖尾飲食如故詔造大鐵籠施
素相置函簿中行路見者隕涕后因以薨葬於熙陵之側古今詩話

送歸犬

康之中李貴為西邊寨主妻為吳賊虜去家中一白
犬頗馴擾妻祝之曰爾能送我歸乎天俯仰如聽命即裹糧隨
之有警則引伏草間凡六七日出賊境朝廷封崇信縣君 慶

飼犬

慶曆中衛士有變震驚宮掖臺官宋禧上言蜀
有羅江狗赤而尾小者其警如神願養此狗於掖庭以警倉卒
時謂之宋羅江恒來犬 虞經臣家元祐時為給事中值鄴城

開渠忽有異犬自渠中出直入其家家人愛之名曰渠來無事
惟喜睡至或亂遽驚憚窓牖之類則經臣必有遷改錫賚之慶

每遇慶事則贈以肉一斤必欣喜跳躍然後食之數年經臣敗
前一夕渠來死靈犬 楊光遠之叛青州也有孫中舍者居園

靈犬

城中內外隔絕食且盡舉族愁嘆有所畜犬徬徨其側中舍囑
曰爾能為我至庄取米耶犬搖尾若應至夜置一布囊并簡係
犬背上犬由水竇出至庄鳴吠居者識其犬取簡視之令負米
還未曉入城如此數月以至城開孫氏闔門賴以不餓後數年
斃葬於別墅之南至其孫彭年語龍圖趙師民刻石表其墓曰

靈犬誌

咸溪童傭家畜一犬一白一花共出一母

後白者雙盲弗能進牢而食主家作草窩卧于簷外花者日舍
飯吐而飼之夜則卧于其傍白者既死主憐之埋於山麓花者
朝夕往埋所遠數匝若拜泣狀卧其旁少頃始返建寧志**大豕**
宣和五年京師城北官民牧羊地忽有野犬不知其所從來入
羊群中鳴叫左右前後諸犬皆往聚會一羊間一犬黑白交映
至次日城內外諸犬畢集或縛者并斷索而來擾擾兩日犬多
羊少皆嚙殺其羊後果有北虜犬羊之禍宣靖錄**雁背狗**北
方巨鵬作巢所在官司必令人窮巢探卵多寡若三枚及其出
一乃狗也與常狗無異但耳上多羽毛田獵之際鵬則上飛狗
則陸行所逐同至名曰鷹背狗 遼鵬巢中生獵犬性識頗異

每獵而獲十倍常犬然極難得**南斗犬**

白犬虎文南斗君犬

也畜之可致萬石黑犬白耳大王犬也畜之令富貴黑犬白前
兩足宜孫子白犬黃頭家大吉黃犬白尾代有衣冠黃犬白前
兩足利人 犬生四子取黃子養之生五子取青子養之六子
取赤子養之七子取黑子養之八子取白子養之五升**三狗**

狗 丁謚何晏鄧鵬時謂臺中有三狗二狗崖柴不可當一狗

憑默作疽囊默者曹爽小字也 唐冉祖雍姚紹之宋之懸李

悛周利貞等五人時謂五狗**鷄刀斬狗** 張雲為補闕自比朱

雲或曰昔朱雲請斬馬劍今尚方只有殺鷄刀御欲用乎雲曰
鷄刀雖小亦可斬群狗**大有封爵** 後主時犬為開府儀同

者有夫人郡君之號給兵以奉養食以梁肉藉以茵蓐天奪其
心壽加于犬近犬禍也此齊

豕

說文豕彘也牡豕謂之豬小豕謂之豚牝豬謂之豨方
言燕朝鮮之間謂之豨關東西謂之彘南楚謂之豨吳揚

之間謂之豬 淮南子六九五十四四主時時主豕故豕四月

而生 易說卦坎為豕性趨下豕能俯其首又喜卑穢亦水畜

也 禮記九祭祀之禮豕曰剛鬣又曰孟夏食菽與彘 易曰

見豕負塗 又曰豨豕之才 詩曰有豕白蹄蒸涉波矣 左

傳既定爾婁豬盍歸吾艾穢 桂林風俗日食蛙曰豨不勝于

黑面郎或黑面郎謂豬也一名魯津伯一名大蘭王一名烏將

軍一名長豕將軍人畜豬致富號為烏金 埤雅犬喜雪馬喜

風豕喜雨故天將大雨則豕進波水波 朝野僉載豕之性能

水故牧豕之所在必水草之交此所以儲後豬也

大豕化龍

朔人獻燕昭王以大豕曰非大豕不居非人便不

珍今年百二十矣人謂豕仙王乃命宰養之大如沙積足如

不勝其體甚巨無用燕相謂王曰奚不烹之王乃命宰夫膳之

夕見夢於燕相曰造化勞我以豕形食我以人穢吾惠其生父

矣仗君之靈得化吾生始得為魯津之僑燕相許乎魯津有赤

龜奉壁而獻

齊侯游於姑楚遂田于貝丘見大豕

從者曰公子彭生也公怒曰彭生敢見射之豕人立而啼

荀靖 鄧都為中郎將從景帝入上林賈姬在厠野彘入厠上
目都都不行上欲自持兵救都曰陛下縱自輕奈高廟太后何
上還怒使擊豕 實太后好老子書召袁固問老子固曰此家
人言耳太后怒曰安得司空城旦書乎使固下園擊豕景帝知
太后怒而固直言無罪乃得回利兵下園刺豕正中其心應手
而倒太后默然乃罷之 **家** 曹崩以仁厚稱隣人有亡
豕者與崩家豕相類請門親之崩不與爭後所亡豕自還其主
大慙送所認豕謝崩笑而受之 司馬徽嘗有人妄認微豬
便推之後得亡猪以猪還微叩頭自責微厚致謝之 **但食猪肝**
閔仲叔居安邑家貧不能得錢買肉安邑令侯之問諸子何飲

食對曰但食猪肝屠者或不肯與之令出敕市後常買輒得仲
叔怪問其子道狀如此乃歎曰仲叔豈以口腹累安邑耶遂去
售猪過直 公沙穆嘗養猪有病使人賣之於市語之言如售
當售買者言病賤取其直不可言無病欺人取貴價也賣猪者
到市即售亦不言病其直過價穆怪之問其故齋半直以還買
猪者買者辭不取穆棄錢而去 **牧豕償火** 梁鴻家貧牧豕上
林苑中曾誤遺火燒及他舍乃以豕償之其主猶以為少鴻願
以身居作主人許因為執勤不懈耆老見鴻非常人乃共責讓
主人於是悉還其豕鴻不受乃去 **人乳蒸豚** 晉王濟性豪俊
帝幸其家供饌甚豐蒸豚尤美上問其故對曰以人乳蒸之上

色不平食未畢而去諫射豕唐儉從獵洛陽苑群豕突出于
林帝射四發輒殪四豕一豕躍及鐙儉投馬搏之帝拔劍斷豕
儉曰陛下神武定四方豈復快心於一獸哉諫牧豕盧杞為
魏州刺史奏言魏有官豕三千為民患德宗徙之沙苑杞曰同
州亦陛下百姓臣謂食之便帝曰守魏而憂他州宰相才也詔
以豕賜貧民遂有意柄仕矣化為異猪安祿山嘗夜宴醉卧
化為異猪而龍首左右遽言之玄宗曰猪龍也無能為者將軍
郭元振開元中下第自晉之汾夜行失道有宅門宇甚
峻堂上燈燭而悄無人俄聞女子哭聲公曰人耶鬼耶曰妾鄉
有烏將軍每歲鄉人擇羨女嫁焉父利鄉人之金潛以應選將

軍二更當來未久車馬駢闐紫衣吏入復走曰相公在此既而
將軍入公揖曰聞今夕嘉禮願為小相將軍喜而延坐公取佩
刀斫其腕天明視其手乃猪蹄也俄聞哭聲漸近乃女父母昇
觀而來公具告焉尋血而行入大冢中見大猪無前蹄走出而
斃公納其女為側室大猪擊鼓淳化中京畿民牟暉擊
登聞鼓院訴家奴失豕豚一詔令賜千錢償其直因謂宰相曰
此細事悉訴於朕亦為聽決大可笑然推此心以臨天下似無
冤民矣牧豕學業公孫弘少時為獄吏有罪免家貧牧豕海
上四十餘乃學春秋高士傳孫期濟陰人少為諸生治京氏
易事母至孝牧豕大澤中以奉養焉遠人往從其學者皆執經

壘畔以追之里落花其仁讓黃巾起過其里陌相約不犯孫先
生舍司徒黃琬特辟不就終於家 吳祐常牧豕於長垣澤中
行吟經書遇父故人謂之曰卿二千石子而執鞭牧豕幾于無
恥奈君父何祐辭謝而已守志如初**老嫗進豕** 劉道真少時
嘗漁釣草澤善歌嘯聞者莫不留連有一老嫗識其非常人甚
樂其嘯乃殺豕以進之道真食豕盡了不謝嫗見其不能又進
一豕又食半餘半還之後道真為吏部郎嫗兒為小令史道真
乃起用之兒不知所由問母而後知之於是賚牛酒以詣道真
道真笑曰去去無復相報**猪膏塗鼻** 挹婁在扶餘東北處山
林之間常穴居大家深九梯以多為好士氣寒於扶餘其俗好

養猪食其肉衣其皮冬以猪膏塗身厚數分以禦風寒夏則裸

袒以大布隱其前後也**避向水址** 隋開皇末渭南有人寄宿

他舍夜聞二豕對話其一曰歲將盡阿爺明日殺我供歲何處

避之一答曰可向水北姊家天曉主人覓豕不得宿客言狀主

人如其所言得豕集異志**能通猪語** 咸通初渤海僧隆多羅能

通鳥獸之言路逢牝豕引諸猪而行咯咯有聲一朝士戲云猪

有語否僧曰彘云行行向前樹陰下吃妳料不遠當遇官槐而

止飼群子矣偵之果然**野豕人語** 漢記莎車王殺于闐王子

闐大都末出城見野豕欲搏之乃人語曰無殺我我為汝殺莎

車將軍都末異之即與兄弟共殺莎車王**封豕** 昔有仍氏生

女曰玄妻樂正后獲取之生伯封實有豕心貪婪無厭謂之封

豕惡其弗類 子車氏之豶其色粹而黑一產三豚其二如之

其一則駁而白惡其弗類于已也齧而殺之其同於已者字之

惟恐傷也子車**豕共飲** 阮咸以大瓮盛酒圓坐相向大酌

更飲時有群豕來飲其酒咸直接去其上便共飲之**偷青毡履**

李汾撫琴于四明山月夜有女子至端正無比惟覺口帶高緇

黑色留宿極歡汾偷女子青毡履于一隻女泣求不與及明見

鮮血滿地驗履乃猪蹄殼也汾惶駭尋血至山前張氏酒中見

一批豕後足已剗一殼豕視汾瞋目咆哮如有怒色汾以事白

張氏即殺之汾即棄山院別遊他邑搜神**乞命猪** 有劉胡

者兄弟四人以屠為業永安年中胡殺猪猪忽唱乞命聲及四

隣隣人謂胡兄弟相歐鬪而來觀之乃猪也伽藍**劫貨** 僧辨

聰遊五臺將還京師有老僧託以書其上題云東京城北尋勃

賀分付僧竊啓封眎之云度眾生畢早來苟更強住切恐造業

復封之至京尋訪不見其人一日於五丈河側見一小兒逐一

大猪名勃賀屠者趙氏猪能令群猪不亂逸愛食薄荷故以名

僧試呼其名以書投之猪遽食其書人立而化僧徑之五臺訪

其老僧亦化去矣**捕七豕** 王生之子殺人繫獄求救於一行

一行曰嘗有赦授以布囊戒令某處廢園有物來其數七共捕

之以囊携之至時忽有七豕入園獲之一行置大甕中太史奏

北斗不見召一行問之曰莫若大赦從之星見如故

驢騾

纂文驢一曰漢驢 史記匈奴奇畜即驢騾也 驢

性能旋磨及馱負五更初而鳴麗褐低小不甚駿異

說文騾驢父馬母也馱馱馬父驢母也 雜俎騾不滋乳 蟬

史騾不生育性剛善走視馬則小視驢則大北方人多取以駕

力耐遠行而不困 清異錄驢名長耳公

靈帝弄驢

漢靈帝於西園駕四白驢躬自操轡驅馳以為大

樂養驢數百頭驅馳遍京師有時入市公卿貴戚轉相倣效互

相倣奪賣與馬齊天意若曰國且大亂賢愚倒植凡執政者皆

如驢也五行志 騎驢到郡

晉文帝大親阮籍願得為東平太守

性凡劣人號曰驢王我熟觀汝所作亦恐不免驢號當時聞者

號為驢王驢比令僕

南齊王奐初拜僕射劉祥與奐子勰載

行至中堂見路人驅驢祥曰驢汝好為之如汝人才皆已令僕

啗驢肉

陳後主入隋文帝問監者叔寶何嗜對曰啗驢肉

問飲酒多少曰與其子弟日飲一石文帝大驚御史集行 武

后時多置裏行拾遺補闕御史至有車載斗量之咏有御史臺

令史將入室值裏行御史數人聚立門內令史不下驢衝過其

間諸御史大怒將杖之令史云今日之過實在此驢乞先數之

然後受罰御史許之謂曰汝技藝可知精神極鈍何物驢畜敢

於御史裏行於是羞赧而止麒麟桓

唐楊炯每呼朝士為麒麟

麟植或問之曰今假美麒麟者必脩飾其形覆之驢上宛然異物及去其皮還是驢耳無德而朱紫何以異是僉載驅驢宰相

王及善後為右相無甚施設惟不許令史輩將驢入堂終日驅

逐號驅驢宰相實鞍郭英又知運子也鎮劔南頗恣狂蕩取

女人令乘驢擊毬以寶鈿為驢鞍賞賜巨萬以為笑樂唐書

長耳咸通末執政以進士車服替差奏請不許乘馬時場中

不下千人皆跨長耳或嘲之曰今年勅下盡騎驢短轡長鞦滿

九衢清瘦兒郎猶自可就中愁殺鄭昌圖鄭光業軀幹偉大故

云夏侯驢子唐夏侯籍學吟詩遊西川依託勳臣為幕下從

事時人號為夏侯驢子言其鄙也漢化驢漢高祖鎮太原周

太祖為漢衛時令隱帝監符璽頗相戲狎暨從征鄴城旦夕同

付一旦語太祖曰我夜來夢尔為驢負我昇天既捨爾乘俄變

為龍捨我南去何祥也曰公謂驢作少意知勿空見玩撫掌而

罷不為驢陸軫云天聖中侍中馮拯卒次年京城南錫慶院

側人家生一驢腹下白毛成馮拯二字馮氏以金贖之潛育於

室中四方皆知之聽驚聲嶺南有駟名翠嵐往來者多飼馬

堂上吏止之不聽乃題壁云犬馬本非堂上畜莫言郵舍暫經

過大都人畜須分別不聽驚聲可奈何聽驚聲者蓋昔人為驢

吃牡丹賦云展似鉄之雙蹄驚回蝶夢聳如舡之兩耳不聽驚

聲駟吏之言出此呼衛呼驢為衛於文字未見今衛地出驢

義在斯乎或說以其有鞫有槽譬如諸衛有曹曹也因目為衛
或曰晉衛玠好乘之故以為名驢符子有驢仙者享五百
負負乘而不輟歷無定主大驢於天下暹食驢烏場國特檀
山山中有寺大有衆僧日日有驢運食無控御者自來留食還
去莫知所在白元通開成初東市百姓騎驢驢忽曰我姓白
名元通負君家力已足勿復騎我南市賣麩家欠我五千四百
我又負君錢數亦如之今可賣我其人驚異即牽行旋訪主賣
之兩宿而死雜俎金驢晉僧朗住金渝山及卒所乘驢上山
未之時有人見者乃金驢矣樵者往往聽其鳴響土人言金驢
一鳴天下太平白驪肝趙簡子有兩白驪而甚愛之陽城胥

渠處廣門之宮夜款門而謁曰主君之臣胥有疾醫教之曰得
白驪之肝病則止不得則死謁者入通董安于御于側愠曰謔
胥渠也欺吾君請即刑焉簡子曰殺畜以活人不亦仁乎召庖
人殺白驪取肝以與無幾何趙兵攻翟廣門之左七百人右七
百人皆先登而獲甲首非驢非馬龜茲王絳賓朝漢樂漢衣
服制度歸國治官室如漢家儀外國胡人皆曰駃非驢馬非馬
若龜茲王所謂羸也漢書白驪將軍明皇將登封太山益州
進白驪上親乘之柔習安便不知登降之勞也告成禮畢復乘
而下纔及山址無疾而殪上嘆異久之謚曰白驪將軍命有司
具槨積壘石為基驪子都吳少誠據蔡州廣畜驪乘之教戰

謂之驟子軍吳元濟將董重質守泗曲其部下乘驟即戰彌驟
子都最為勁悍 **鵠鵠言** 靖康元年金人犯濟州徽宗微服出
通津門御小舟將次雍丘沮洳船不得進夜出堤上御駁驟名
鵠鵠青望睢陽而奔 **雄驟難騎** 錢昂帥秦州時童貫恃寵驕
倨昂一日赴天寧待貫之來久之方至昂曰大尉來何暮耶貫
曰所乘驟小而難騎以此遲遲昂曰大尉之驟雄耶雌耶曰雄
也昂曰不若闍之貫愧怒而莫能報其後卒致遷責 **書驢僧**
壁 吳道子嘗訪僧不禮遂盡驢於壁一夜僧具踏破惱亂不
堪王蔡八驢 王蔡畜驢價有至百金者一日落釵二曰遠遊
三曰鷲羽四曰白鳳五曰臨江六曰上雲七曰奔濤八曰飛星

華陰騎驢

李白游華山乘醉跨驢過縣門宰怒引至庭下白
供狀曰曾用龍巾拭吐御手調羹力士脫靴貴妃捧硯天下殿
前尚容走馬華陰縣裏不得騎驢

貓

埤雅鼠善害苗而貓能捕鼠去苗之害故貓之字从苗貓
旦暮目睛皆圓及午即從歛如線世云薄荷醉貓死貓引
竹 貓亦如虎畫地卜食今俗謂之卜鼠 貓非中國之種出

西方天竺國唯不受中國之氣所生故鼻頭冷唯夏至一日暖
清異錄貓名鼠將 格物論貓一名蒙貴一名烏圓爾雅註蒙
頌即蒙貴捕鼠勝于貓與蒙貴又似二物 貓口中三坎捉一
季五坎捉二季七坎捉三季九坎捉四季言口內有九坎者能

四季捉鼠也 東坡云養貓以捕鼠不以無鼠而養不捕之貓蓄犬以防奸不以無奸而蓄不吠之犬不捕猶可也不捕鼠而捕鷄則甚矣不吠猶可也不吠盜而吠主則甚矣嫉視正人必欲盡擊之非捕雞乎委心權要使天子孤立非吠主乎 禮記迎貓為食田鼠也

白老 唐餘錄建州刺史家月夜有七八白衣相語曰白老將

至奈何白衣者鼠白老者貓也 **死願為貓** 高宗后王氏及良

姊俄為武后所殺良姊罵曰我後為貓使武后為鼠吾當扼其

喉以報后武后聞之不悅詔六宮毋畜貓 **金鏤貓** 平陵城古

譚國也城中有一貓常帶金鏤有錢飛若蚨蝶士人往往見之

百陽 狗犬互乳 河東孝子王燧家狗犬同時產子取狗兒置

犬巢中取犬子置狗窩內飲慣其乳州縣上言遂蒙旌表食載

貓鼠同乳 朱泚上言隴州將趙貴家狗鼠同乳詔遣中使示

於朝常率百僚賀崔佑甫奏言禮云迎貓為其食田鼠也今

對鼠不食無乃失于性乎亦何異于法吏不勤觸邪彊吏不勤

捍敵以茲稱慶臣所未詳代宗深嘉之 **猫相乳** 司徒馬燧家

猫有生子同日者其一母死有二子其一母方乳其子啣而乳

之若其子 **猫精** 連山張大夫搏好養猫衆色備有皆自製佳

名每視事退至中門數十頭曳尾延頸接入以綵紗為幃覆其

內以為戲或謂搏是猫精 南部新書 **猫犬入言** 左軍容使嚴遵表

閹官中仁人也一日發狂手足舞蹈傍有一猫謂一犬曰軍容
改常也顛發也犬曰莫管他從他俄而舞定乃求致仕北史 **留**
介 成自虛雪夜于東陽驛寺中遇苗介立吟詩曰為慙食
肉主息除日晏蠟蛇卧錦衾且學志人知白黑那將好爵動吾
心次日視之乃一駮猫兒也 **妖不為禍** 鄱陽龍紀與族人同
應進士舉其家衆妖競作乃召女巫徐姥者使治之時尚寒有
一猫正卧爐側家人指謂姥曰吾家百物皆為異不為異者獨
此猫耳於是猫亦人立拱手而言曰不敢姥大駭馳去數日捷
音至二子皆高第矣知妖異未必盡為禍也 黑客 **暹羅為猫**
宋有廬仙姑者指猫而問蔡京曰識之否此章惇也其意蓋以

諷京李猫

李義甫謂之李猫 南唐李德柔任大理少卿持

法甚峻忌刻便佞時號李猫兒

與然堂限

薛季昶為荊州長

史夢猫兒伏卧于堂限上頭向外以問占者張猷猷曰猫兒者

爪牙伏門限者閫外之事君必知軍馬之要未旬月除桂州都

督嶺南招討使僉載

爭猫判

裴寬子諳素好談諧為河南尹

有婦人投狀爭猫兒狀云若是兇猫即是兇猫若不是兇猫即

不是兇猫諳大笑判狀云猫兒不識主傍我獨老鼠兩家不須

爭將來與裴諳遂納其猫兒爭者皆哂之 開元

猫虎說

來鵠農夫將有事於原野其老曰遵故實以全其秋庶可

望矣乃具所嗜為獸之羞視而迎曰鼠者吾其猫乎豕者吾其

於社灌之恐壞墻薰之恐燒木今君之左右出則賣君以效利
入則託君以避害此社鼠之患也**張湯掠鼠**張湯其父為長
安丞出外湯為守舍而鼠盜肉其父還怒乃笞湯湯掘隧得盜
鼠及餘肉劾鼠掠治傳爰書訊鞠論報拜取鼠與肉具獄磔堂
下其父見之視其文辭如老獄吏大驚遂使書獄**竇攸識鼠**
竇攸治爾雅舉孝廉為郎世祖與百僚大會靈臺得鼠身如豹
文問群臣莫知惟攸對曰名鼯鼠見爾雅又漢武帝時得一
鼠豹文孝廉郎終軍知為鼯鼠賜絹百匹**鼠齧馬鞍**魏志公
子蒼舒早惠時軍國多事用刑嚴重太祖馬鞍為鼠所齧庫吏
懼死欲面縛首罪冲曰三日後自歸冲以刀穿衣如鼠齧者貌

有愁色太祖問之對曰世俗以鼠齧衣者其主不吉是以憂戚
太祖曰此妄言耳俄而吏以齧鞍聞太祖笑曰兒衣在側尚齧
况馬鞍乎一無所問**鼠怪自死**中山王周南正始中為襄邑
長有鼠衣冠出聽事語曰爾某日當死周南不應至期復出冠
幘絳衣語曰爾日中當死復不應入復更出日適中鼠曰周南
汝不應死我復何道遂顛蹙而死即失衣冠視如常鼠也列異
鼠行跡晉簡文為撫軍時床前塵不聽拂見鼠行跡以為
佳有參軍見鼠白日行以手板批殺之撫軍不悅門下起彈教
曰鼠被害尚不能忘懷今復以鼠損人無乃不可乎**鼠齧手相**
晉淳于智善厭勝劉柔夜卧鼠齧其左手中指智曰是欲殺君

而不能當為君使其反死乃以朱書手作田字使露手卧明日
有大鼠伏死手前不語鼠食許邁小名映有鼠嚙映衣乃作
符召鼠莫不畢至於中庭映曰嚙衣者留不嚙衣者去羣鼠並
去唯一鼠伏於中庭而不敢動召盜鼠南陽趙度好藝術
度有白米為鼠所盜乃被髮把刀畫地作獄四面開門向東長
嘯群鼠俱到呪之曰凡非噉者過唯止者十餘乃剖腹看臟有
米在焉符能召鼠僖宗末廣陵丐者杜可均嘗大雪訪街西
酒家姓樂者求飲見主事者曰人以衣換酒收藏不謹鼠嚙
其衣杜即令治淨室曰頃年記一符能却鼠試書之既有驗可
書此家無鼠矣生得符焚之鼠遂絕杜苑**鼠三易腸**唐公房

舉宅并仙雞犬皆去唯鼠惡其不淨不將去鼠自悔一月三吐
易其腸晉陽秋大興中區純作鼠市四方丈餘開四門
門有一木人縱四五鼠於中欲出門木人輒以椎推之水鼠
神異記北方有曾水萬里屋舍有鼠在下唯食水肉重萬斤
可以作脯食之已熟其毛長可八尺可以為蓐卧之可以却寒
其皮可以蒙鼓其聲千里有羨尾可求鼠此尾所在鼠輒入此
聚鳥鼠鳥鼠山在隴西首陽縣西南鼠尾短形如家鼠
穴入三四尺鼠在內鳥在外為牝鼠鼠王國西域有鼠王國
鼠大如狗中者如兔小者如常鼠頭悉白然帶以金拗商估有
經過其國不先祈祀者則醫人衣裳世得沙門呪願便獲無他

釋道安昔至西方親見如此俗語云鼠得死人目精則為玉鼠

怪致富

幽明錄吳地寺終祚道人卧齋中鼠從坎出言終祚

後數日必死終祚呼奴令買犬鼠云亦不畏此犬入此犬必死

須臾犬至果然終祚語奴曰明市十擔水來鼠云止欲水澆取

我我周流無所不至竟日澆灌了無獲密令奴更借三十餘人

鼠云吾上屋居奈我何至時處在屋上奴名周鼠云阿周盜二

十萬錢叛如所言叛去終祚當為商賈謂鼠曰我今遠行勸守

吾房勿令有所零失時桓玄在南州禁殺牛終祚竊買牛皮還

東以之得二十萬還室猶閉一無所失怪亦絕遂大富

鼠述異記宋譙王義宣鎮荊州府吏蔡鐵善卜宣射得一白

鼠置函中乃君鐵使卜鐵曰允色之鼠背明力纏弘射之絕左

股鼠孕三雄而二雌若不見信剖腹知公使剖鼠腹皆如鐵言

賜錢一萬**鼠舞**元鳳元年燕有黃鼠樹其尾舞王宮

門中王往視之使吏以酒脯祠鼠舞不休一日一夜死燕王且

謀叛將死之象京及易曰鼠舞國門厥咎亡鼠舞於庭廢咎諺

死**大鼠**景平中東陽大水永康蔡嘉夫避水住南壟夜

有大鼠停水而來伏嘉夫奴床角奴怒而不犯每食以餘飯與

之水勢既退嘉夫得返故居鼠以前脚奉青囊裏三斤許珠著

奴床前啾啾狀如欲語從此去來不絕**齊永明中**

會稽鍾山有人姓蔡不知名山中養鼠數十頭呼來即來遣去

便去語狂易時謂之謫仙。百怪書曰：鼠咋人衣領，有福至吉。北齊平原太守蘭陵蕭悉達，服帶為鼠嚙，楊遵彥以俗事戲之曰：「當遷官未幾，除家令，後嚙其靴，遵彥曰：「當復得官。」悉達曰：「鼠便為吏部尚書。」李曉，魏太尉，虔子，爾朱榮之害朝士，將行曉衣冠為鼠所嚙，遂不成行，得免河陰之難。庭中小人，天寶末，御史中丞畢杭為魏州刺史，陷於樛山，欲謀歸順而未發，庭中忽見小人數百，長五六寸，家人擊殺，明日群小人皆白服而哭，載死者以輓車，雨器一如士人送喪之備，仍於庭中作塚，葬遂入南墻穴中，發其塚得一死鼠，乃作熱湯沃之，久而掘之，得死鼠數百枚，後十餘日，杭以事未赴一門，遇害。吳河東

記李知微夜遊文成宮下，初月微明，見數十小人，皆長數寸，聚立古槐下，有一紫衣者，擁侍十餘輩，悉稍長，有一人白長者曰：「某當為西閣舍人。」一人曰：「某當為殿前從事。」一人曰：「某當為司文府史。」一人曰：「某當為南宮書佐。」一人曰：「某當為馳道都尉。」一人曰：「某當為司城主簿。」一人曰：「某當為遊佃使者。」一人曰：「某當為東垣執戟。」言訖，相引入穴而去。明日掘視之，乃鼠也。蘇恩，鼠賢，應中有李氏家于洛陽，不畜狸者三世，忽一日李氏大集親友會食私堂，既坐而門外有數百鼠俱入，立以前足相鼓如甚，喜狀家僮驚異，言於李氏，李氏親友乃空堂而縱觀，人去且盡，堂忽摧圮，其家無一傷者，悲夫鼠固微物也，尚能識忍而知報。

况人乎**白鼠入營**

唐王孝傑為清邊道總管初進軍平州白

鼠書入營頓伏皆謂鼠精胡象也白質歸命天亡之兆及戰孝

傑覆馬擲鞭擊鼠許昌都尚書士義元和未為鄂州觀察使

一日晨興出視事束帶已畢左手引鞭未及階足忽有一巨鼠

過庭北面拱立而舞驚叱之畧無懼意自擲鞭以擊鼠則奔逸

有毒虺墜于韉中向無鼠妖則以致臃指漬足之患**啣卷鼠**

進士李昭嘏舉十上不第時登科年主司晝寢忽窺見一軸文
卷在枕前看其題處乃昭嘏之卷令遷於架上復寢暗視有一
大鼠取其卷啣其軸復還枕前再三如此昭嘏來春及第主司
問其故乃三世不養猫皆云鼠報**劫鼠倉**天復中隴右大飢

其年秋稼甚豐將刈之間大年無穗有人就田畔斫鼠穴求之

所獲甚多於是家家窮穴有獲五七斛者相傳謂之劫鼠倉飢

民皆出求食濟活甚衆**見得銀**陳太者家貧好施嘗夜見

一白鼠雪色綠其捫或上或下久之揮而不去陳言於妻子曰

衆言有白鼠處即有藏遂掘之果獲白金五十錠陳先**禮鼠**

拱鼠形如常鼠見人即拱手而立人近欲捕之即跳躍而走去

秦州有之退之聯句云禮鼠拱為立**紅飛鼠**紅飛鼠多出交

趾背腹有深毛肉翼淺黑色多雙伏紅蕉花間採捕者若獲一

則其一不去南中婦人皆買而帶之以為媚樂端表**黑鼠**色

青黑短足百指形大重千餘斤出零陵郡界民有災及為惡者

鼠人其田中振落毛衣皆成小鼠食其苗稼而去 **竹鼠** 食竹

之鼠也生於深山竹林之中非竹不食巨如野狸其肉肥脆山

民重之 **鼠王鼠母** 舊說鼠王其溺精一滴成一鼠一說鼠母

頭脚如鼠尾蒼口銳大如木牛性畏狗溺一滴成一鼠時有鼠

災多起於鼠母鼠母所至處動成萬鼠其肉極美 **得特鼠** 武

德十六年蜀賓國獻得特鼠冢大而尾赤能食蛇有被蛇螫者

鼠輒臭而尿之其瘡即愈 **毗狸** 契丹國產大鼠曰毗狸形類

大鼠而足短極肥其國以為殊味穴地取之以供國主之膳自

相公以下皆不得嘗常以羊乳飼之頃止使嘗獲至京烹以進

御本朝使其國者亦皆得食之蓋極珍重之也 滄水燕談 刀約使契

丹戲為詩云担燕夷離畢看房賀跋支餞行三匹裂密賜十毗

狸夷離畢即參知政事也 **夜猴** 宣大間產黃鼠土人軫之凡

捕之者必畜鬃尾鼠數隻名夜猴兒能咬黃鼠穴知其有無有

則入嚙其鼻而出 **鼠化犬** 李林甫一日取書囊訝其重開而

視之乃一大鼠躍出化為蒼犬怒目張牙仰視林甫以擊之鼠

即應手而斃林甫惡之月餘卒 **鼯鼠** 一名土鼠無目黑色穿

土而行天將雨則鳴行必成羣啣尾魚貫而進以目瞽慎顛蹶

也 **甘鼠** 埤雅鼯鼠有螫毒甘口齧人及鳥獸皆不痛春秋所

書食郊牛之角者也博物志曰乃鼠之最小者或云甘鼠 **鼯鼠**

長鬚而賊秦人謂之小驢爾雅晉宣城有一物大如水牛灰色

庫脚胸前尾上皆白郭璞曰驢鼠群鼠渡河

黃君漢為李密

守拓崔義元見群鼠渡河曰此昔王敦亡兆也因說君漢以城歸孔帖李密將敗屯營群鼠相嚼尾以渡于洛經月不絕

噬猫

弘道初梁州倉有大鼠長二尺餘為猫所噬數百鼠友

噬猫聚萬餘鼠州遣人捕殺之

火鼠

入火不焚毛長丈許可

為布所謂火浣布者是也

駱駝

山海經號山陽光之山獸多橐駝善行流沙中日三百里負千斤 爾雅翼駝背有兩峯如鞍其足三節

色蒼褐凡欲香載輒先屈足受之所載未盡量終不起 淮南子橐駝之本出泉渠 廣志天竺以北多橐駝 西域傳鄯善

國多橐駝 博核志燉煌西渡流沙千餘里中無水時有伏流

處人不能知駝知水脉過其處輒停不行以足踏地人於所踏處掘之輒得水

石駱駝

異苑西域荀夷國山上有石駱駝腹下出水以金鉄

及手承取即便對過唯葫蘆盛者則得飲之令人身體香淨而

成仙明駝聚水

後魏高祖不飲洛水常以千里足明駝更互

田恒州取水以供膳焉

明駝吐香

明皇時交趾貢龍腦香上

賜貴妃十枚妃私發明駝使持三枚遺祿山楊妃明駝使腹下

有毛駝卧腹不帖地屈足漏明則行千里

負國養魚 虞孝仁性奢華伐遼之後以駱駝負函盛水養魚以自給宋孫承祐從

太宗北伐以駱駝負大函貯水養魚百駝奉事哥舒翰鎮于

青海路既遙遠遣使嘗乘白駱駝以奉事日行五百里翻皇

山精 乾符中劉秉仁為江州刺史白京將駱駝至郡因風而

逸于廬山下南土無此畜人見而大驚因駭徒擊射至斃乃以

狀白州曰獲廬山精劉公訝其事既至愀然曰此吾索駝也乃

命瘞于江壩**鬼乘龍** 周世祖征濠州遣兵持炬乘駝絕淮濠

兵驚以為鬼乘龍也遂名乘龍州懷中**駝為人語** 有駝坊使

臣夜坐聞戶外偶語云舍人來日當有萬里之役然遂免此苦

吾將奈何答云諫議願自寬會當免耳使臣竊窺之乃寔中二

駝也次早有旨差一駝載軍衣入蜀遂死蜀中**老駝和風** 郵

善古樓蘭國也西北有流沙數百里夏日有熱風為行旅之患

風之欲至唯老駝知之即鳴而驟立埋其口鼻於沙中人每以

為候亦即將羶攤蔽鼻口其風迅駛須臾過盡若不然者必至

危斃**風脚駝** 于闐有小鹿角細而長與駝交生子曰風脚駝

日行七百里其疾如風**脚駝** 滑國者車師之別種也有兩

脚駝野驢有角**獨峯駝** 吐蕃獨峯駝日行千里

兔 爾雅兔子嬖其迹迹絕有力欣 參同契燕雀不生鳳

狐兔不乳馬 瑞應圖王者恩加耆老則白兔見一本

曰王者應事疾則見赤兔者王者德茂則見 莊子蹄者所以

在兔得兔而忘蹄 韓子宋人有耕者田中有株兔走觸折頸

而死因釋耕守株冀復得兔為宋國所笑 抱朴子史壽十歲
滿五百歲則色白 禮記祭宗廟之禮兔曰明視 論衡兔豕
雄毫而孕及其生子從口中

貂

說文貂鼠屬也而大黃黑色出丁零國 廣志貂出扶
餘挹婁 建武二十五年烏桓獻貂豹皮 魏書鮮卑
有貂羆子皮毛柔軟故天下為名裘

群獸

知肩 爾雅西方有比肩獸焉與邛邛岵虛齒甘草若
有難邛邛岵虛負而走其名曰壓耳雅壓鼠前而兔後
趨則頓走則顛契丹北境有鼯兔前足纒寸許後足凡一尺行
則用後足跳一躍數尺止則蹶然仆地即鼯也 **野兔** 齊州有

獸名野婆黃髮推髻跣足裸形儼然一媪也其群皆雌無匹偶
上下山谷如飛探自腰以下有皮蓋膝每有男子必負去求合
喜盜人子女復至其家窺伺之其家大罵則挾以還之嘗為徒
夫所殺至死以手護腰間剖之得印方寸瑩若蒼玉字類符篆
不可識蓋自然之文也 **山獬** 山海經法嶽山有獸如犬人面
善擲見人則笑名曰山獬行疾如飛見即大風 **獬** 異物志
獬母狀如猿逢人則叩頭小打便死得風則活又交州記獬母
出九德縣見人若慚 **幽頰** 山海經古山有獸善笑見人則佯
卧名曰幽頰自呼其名又余戎山獸如兔鳥喙目蛇尾遇人
則眠名曰狢狢見則蝻蝗為災 **獬** 爾雅獬父善顧注能獬

持人好顧盼抱朴子猿五百歲變為獾獾千歲變為蟾蜍博物志蜀南沈山有獾路見婦人則負而入穴猶猶即勉也善登木性多疑慮常居山中忽聞人聲豫先上樹久之無人然後敢下須臾又上如此非一故人之不決斷者比焉糖牛廣西桂平有糖牛與蛇同穴牛嗜鹽里人以皮裹手塗鹽入穴採取之角如玉可為器駮山海經中曲山有獸如馬白身黑尾一角虎足鋸牙音如振鼓能食虎豹名曰駮狝勃樊川楓脂名薰陸香獸狃狃好啖之狀如獺其頭四肢了無毛唯從鼻上竟脊至尾有青毛廣一寸長三四分獵得斫刺不傷積薪焚之不死以大杖擊之至骨碎乃死窮奇萬花谷窮奇惡獸也似牛

而火聲逢忠信之人則嚙而食之逢姦邪之人則捕禽獸以餉之靈麋說文麋大鹿一角牛尾梧州火山上有一獸名靈麋而三足見則郡中有火災或使車將至則鳴故以靈名山獬神異經西方有獸如人長尺餘袒身捕蟻蟬以食名曰山獬獬虞衡志有獸名獬婦如山猪而小喜食禾俗傳田夫以機軸織絁之器掛于田頭則不復近獬獸有名獬者羊身人面目在腹虎齒人爪音如嬰兒性貪婪食之未盡遂嘗其身又有獸名獬似羊九尾四耳其目在背獬獬虎爪人面口牙一丈六尺與獸鬪終不退卻死而後已故以獬之傲狠亡身者比之諸捷山海經單張山獸如豹而尾長牛鼻直目名曰

諸捷善叱行則口含其尾居則縮之 **騰** 騰新一名騰豺沐

猴類也頭方正貌類人髮長尺餘常覆面欲有所視輒搖頭以

兩手披之 **荼余義** 博物志獸有荼余義者似鹿兩頭其胎中

糞四時取之可治蛇虺之毒 **猯** 猯雅猯青身黑頸有鬣

其手亦黑好理鬣又愛其類生相序死相赴殺一豉百夷堅志

猯然似猴而差大行則大者前小者後有為射所中則拔死者

矢自刺而死蓋獸之有仁義者或曰猯然一名狃一作蛙 **獨**

岬雅獨猿類也似猿而大又食猿猿性羣獨性特猿鳴三獨鳴

一是以謂之獨又曰哇鳴夜獨鳴曉又類從獨一鳴而猿散置

一鳴而龜伏一說獨狀如虎白身豕鬣而黑出北嶺山 **巖** 巖

雅虞迅頭郭氏曰建平山中有虞大如狗似獮猴黃色多鬣

脊迅其頭能投石擲人獮類也 **長** 山海經浮玉山獸狀如

猴四耳鼻毛而牛尾音如犬吠名曰長羸見則大水 **當** 當庚 欽

山有獸如豚名當庚其名自呼見則天下有大水 **谷** 谷 山海

經剡山有獸名合窳如羸人面赤尾食蛇見大水 **殿** 殿前錄事

唐小說李知微宿文昌宮月微明見古槐下有小人數十或稱

殿前錄事或曰馳道都尉或曰司城主簿或曰西閣舍人須臾

入一大穴中明日檢視之乃鼠也 **天** 天 山海經天門山有赤

犬曰天犬見則有兵乃天狗星光飛流注而生行如風聲如雷

光如電 **雅** 雅 西北有獸類黃鼠而短喙無目性狡善聽聞人

足音轉迤匿有時誤聞他聲驚惶奔竄土人呼為暗撞
韻府續編瓜哇國山中多猴不畏人呼以霄霄之聲投以果則
其大二猴先至土人謂之猴王猴夫人俟其食畢羣猴始食其
餘猩猩形若狗而人面頭頗端正善與人言聲音妙麗
如婦人對話在山谷間常數百為羣里人知其性好酒又愛看
戲乃以酒及織草為履更相連結置千路側猩猩見酒與履如
里人設張又能知張者祖先姓字呼罵云奴欲張我復欲其
羣類莫飲酒捨之而去久之復來相謂曰試共嘗之及飲甘乃
大酌速醉曰取履着之遂為人所得置之檻中隨其所欲而飲
之將烹里人索其肥者乃自推肥者而遺之西國故人取其血

赤毛刺色鮮不難刺血時問之曰爾與我幾許猩猩曰二升果
足其數若加鞭捶問之隨所加而得可至一斗不如是末肯頓
輸佛佛俗呼為野人赤髮披地猴形人立長指鬚唇好
以指甲剖人心膈食之上人欲取之則以竹管套其手佛佛大
人則必或人之手仰面大笑笑則上唇掩其目人潛于竹管內
出其手以釘釘唇于額唇下目無所見佛佛所執竹管
捏為粉碎任其奪走力疲就擒取其髮為葶藶之纓血堪染非
而唇亦下城于握唇也爾雅注佛佛象羊也天天
者純靈之獸五色光耀洞明王者道備則至天天
碑旁有兩石獸鑄其膊一曰天祿一曰辟邪據此即天祿辟邪

並獸名也天祿閣亦曰獸以立名 章帝時安息國獻獅子符
拔符拔形似麟而無角孟康曰拔拔一名符拔似鹿長尾一角
者或為天鹿兩角者或為辟邪西域傳能 能者獸名形色似熊
足似鹿為物堅中而強力故人之有賢材者皆謂之能也非
出摩伽陀國性善不干人形如獅子若國人見賢良相訪則出
獨步獸出良州形如獅子頭尾虎豹文身黃一角行有
意氣故名獨步音具 西域有沙海其水熱如湯終古未嘗通
中國一夕有巨獸浮水而至其骨長數十里橫於兩溪如津梁
然骨中有髓竅可容並馬於是西極之地始通中國其國每以
膏油塗其骨令潤懼其枯摧折吳事雜志 **曹兒** 山海經博過山多

兕狀如野牛青色一角長三尺餘背似馬鞍重千斤善抵觸故
先王之制罰爵以兕角為之酒陽物也而善散人之剛其過在
抵觸故先王制此以為酒戒 **狷狷** 山海經太山有獸其狀如
豚而有珠其名曰狷狷能自乎其名 恭戲之山有獸狀如羊
一角一目目在耳後其名曰羴羴 硯山有獸如馬而羊首四
角牛尾其音如嗥狗名曰夜夜見則其國多狡獪 招搖之山
有獸其狀如禺而白耳伏行人走其名曰狺狺 南海之外有
獸左右有首名跂踴有三青獸相并名曰雙雙 霍山有獸狀
如狸而白尾有鬣名曰肫肫養之可以已憂 拘扶之山有獸
其狀如犬六足其名曰從從 空桑之山有獸狀如牛而虎文

其名軫軫見則天下大水 海隅之山有獸狀如牛而馬尾名
曰精精 平丘北海內有素獸狀如馬名曰蜃蜃有青獸焉狀
如虎名曰羅羅 堵山有獸狀如蜂螫尾而反舌善呼其名曰
文文

類苑叢寶卷之四十四

